


詩經考
終十六之八



漢書門			
類	號	函	架
一	二	三	八

內閣文庫			
類	冊	函	架
一	三	八	二
一	三	八	二

內閣文庫			
番號	漢	8221	
冊數	8 (8)		
函號	273	213	




A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak








Table with multiple columns of text, likely a calendar or astronomical chart. The text is arranged in a grid format, with columns and rows of characters. The text is mostly illegible due to fading and bleed-through from the reverse side.

淺草文庫

詩經考卷之十六

古閩 黃文煥 維章甫 輯著

豫章 楊以任 惟節甫 校閱

大雅

鳧鷖篇

鳧

倉頡解詁曰。鷖。鷗也。一名水鷗。禽經云。鷗信鳥也。信不知用。鷗如

而小。隨潮而翔。迎浪蔽日。食小魚。潮至則翔水嚮以。晉中興說云。

鷗湖澤鳥。南越志云。鷗在漲海中。隨潮上下。常以三月風至。乃還

洲嶼。生卵似鷄卵。色青。頗知風雲。若群飛至岸。必風。風土記云。鷖

以各自呼。大如鷄。生卵于荷葉之上。埤雅云。鷖。鳧屬。鳧好沒。鷗好

詩經考

大雅

十六卷

鳧鷖篇

鷖

八尸

言祭夫 尸
浮。○雅翼云。鷗色青黑。亦有白者。

公尸

箋云。首章尸在宗廟。次章祭四方百物之尸。蜡祭事見甫田篇農夫慶三章祭天

地之尸。四章祭社稷山川之尸。社稷見甫田篇社山川見簡兮篇方五章七祀之尸。疏

云。宗廟祭後燕尸。大夫謂之賓尸。即用祭日。天子諸侯謂之繹。以祭

之明日。燕祭天地之尸。即以祭日。其餘諸神。亦以其日也。○首章箋

云。祭祀既畢。明日又設禮而與尸燕。○爾雅云。繹。又祭也。周日繹。商

曰彤。彤音融夏曰復胙。○公羊傳云。繹者何。祭之明日也。○穀梁云。繹

者祭之日。日之享賓也。○禮器云。設祭于堂。為枋乎外。故曰於彼乎。

於此乎。郊特牲孔子曰。繹之於庫門內。枋之於東方。失之矣。初之禮定於廟

門外之西室。繹又於其堂。神位於西也。祭義曰。君牽牲。夫人奠。蓋君獻尸。夫人薦豆。謂

也。日又曰。祭之日。明發不寐。饗而致之。又從而思之。祭統曰。詔祝于室

而出於祊。此交神明之道也。○禮書曰。繹于明日。則異牲。詩曰。自羊

祖牛是也。賓尸于祭日。則用正祭之牲而已。有司徹。發發音尋尸。祖是

也。蓋正祭重而主於禮神。繹輕而主於禮尸。重故省牲。視具在宗伯

輕。故使士而爵弁。絲衣者也。主於禮神。故在室。主於禮尸。故在堂。則

自堂祖基。掃堂設延者。皆堂上之事。○三章箋云。渚。猶平地之有丘。

喻祭天地之尸。疏云。此唯喻二室之祭。其文不及郊。○周禮。大宰。祀

大神示。掌百官之誓戒。與其共修。掌次。王旅上帝。則張氈案。設皇邸。

司裘。掌為大裘。以共王祀天之服。大宗伯。以禋祀。祀昊天上帝。以蒼

璧禮天。以黃琮禮地。牲幣各放其器之色。此禮天以冬至。謂天皇大帝在比極者也。禮地以夏至

至。謂神在又云。凡祀大神。祭大示。帥執事而卜日。宿眡滌濯。省牲饌

奉玉盞。詔大號。司服。王祀昊天上帝。則服大裘而冕。大司樂。凡樂。圜鐘為宮。黃鐘為角。太簇為徵。姑洗為羽。鼙鼓。鼙鼓。孤竹之管。雲和之琴瑟。雲門之舞。冬。日至於地上之圜丘。奏之。若樂六變。則天神皆降。可得而禮矣。函鐘為宮。太簇為角。姑洗為徵。南呂為羽。靈鼓。靈鼓。孫竹之管。空桑之琴瑟。咸池之舞。夏至日。於澤中之方丘。奏之。若樂八變。則地示皆出。可得而禮矣。凡以神仕者。以冬至致天神人鬼。以夏至致地示物形。形魁。○曲禮曰。天子祭天地。歲徧。禮器云。祭天。特性。又云。為高必因丘陵。為下必因川澤。是故因天事天。因地事地。○卒章箋云。燕七祀之尸。○曲禮云。天子諸侯。大天祭五祀。歲徧。月令。春。祀戶。祭先脾。夏。祀竈。祭先肺。季夏。祀中雷。祭先心。秋。祀門。祭先肝。冬。祀行。祭先腎。孟冬。臘先祖五祀。禮器曰。禮行五祀。正法則也。家

王中雷。國王社。郊。郊牲云。三獻文。祭法云。王為群姓立七祀。曰司命。曰中雷。曰國門。曰國行。曰泰厲。曰戶。曰竈。王自為立七祀。諸侯為國立五祀。曰司命。曰中雷。曰國門。曰國行。曰公厲。諸侯自為立五祀。大夫立三祀。曰族厲。曰門。曰行。適士立二祀。曰門。曰行。庶士。庶人立一祀。或立戶。或立竈。○白虎通云。祭五祀。天子諸侯以牛。卿大夫以羊。因四時牲也。一說。戶以羊。竈以雉。中雷以豚。門以犬。井以豕。或曰中雷用牛。餘不得用。○禮書云。考之于禮。五祀之牲。牛牲。凡祭五祀于廟。有主有尸。觀月令。臘先祖五祀同時。則五祀祭于廟可知也。曾子問。既殯。祭五祀。尸入三飯。則五祀有尸可知也。既殯而祭。不醑不酢。則凡祭五祀。固有侑醑與酢矣。老婦之祭。先儒以為竈配。則五祀固有配矣。先儒又謂卿以上。宗廟有主。五祀亦有主矣。大夫以下宗廟

無主五祀亦如之。然大夫之廟未嘗無主。五祀有主與否不可考也。

按禮記月令及中霽禮呂覽皆曰冬祭行在廟門外之西。檀弓云。毀宗廟行是也。淮子白虎通則云。冬祀井。其說以井者水之生。藏在地中。冬亦水王。萬物伏藏。故祀井于冬也。二說不同。恐當以禮記為正。緣月令祭法並有祭行之言。及中霽禮所記祭行禮甚詳。不應皆誤。祭筮亦以為冬祭行。

沙

說文云。沙。水中散石也。○易需卦九二。需于沙。沙。接水者。○釋水云。渾。渾音

但沙出。今河中呼水。中沙堆為渾。

脯

釋名云。脯。搏也。乾燥相搏著也。修。縮也。乾燥而縮也。○周禮膳夫。凡王之稍事。設薦脯醢。腊人掌乾肉。凡田獸之脯腊臠胖之事。凡祭祀共豆脯薦脯臠胖。凡腊物。賓客。喪紀。共其脯腊。薄析曰脯。捶之而施。薑桂曰臘。修。腊。小物。

全○曲禮云。以脯修置者。左胸。胸音右末。祭宗廟。脯曰尹祭。婦人之

摯。脯修。內則。牛修鹿脯。田豕脯。麋脯。麇脯。大夫燕食。有膾無脯。有脯無膾。郊特牲云。大饗尚服修而已矣。少儀云。其以束修賜人。若獻人則執修以將命。○禮書云。膳夫。凡王之稍食。則脯醢。冠禮醮則脯醢。喪禮小斂。特豚脯醢。以脯醢之于魚腊俎為輕故也。大饗尚服修以禮賓。冠禮取脯以見母。婚禮賓取脯授從者。燕禮賓執脯賜鐘人。又婚禮婦摯服脯以見姑。學者束修以見師。以脯之于禮為重故也。用之于前。則冠禮始醮再醮之類是也。羞之於後。則邊人加邊之實栗。脯是也。脯體之宜謂之臠。士真脯。四臠。鄉飲禮薦脯五臠是也。臠亦謂之臠。臠音鄉射禮薦腊用邊五臠。祭半臠。臠長尺二寸是也。

深

說文云。澗。小水入大水也。○箋云。水外之高者也。

疊

傳云。疊。山絕水也。○詩緝云。疊謂山當水路。今水勢斷絕也。西漢地

里志。金城郡有浩浩音告疊縣。浩水名也。疊者水流峽山間。兩岸深若門也。

假樂篇

百辟

箋云。畿內諸侯。○王制云。天子三公之田視公侯。天子之卿視伯。天子之大夫視子男。天子之元士視附庸。天子之縣內諸侯。祿也。外諸侯嗣也。○周禮。太宰以八則治都鄙。公卿大夫之采邑。王子弟所食邑在畿內者。載師云。以家邑之田任稍地。以小都之田任縣地。以大都之田任疆地。賈公彥云。家邑。大夫之采也。小都。六卿之采也。大都。三公之采也。親王子

母弟與公同處。而百里次疏者與六卿同處。而五十里次疏者與大夫同處。二十五里。○典命云。王之三公八命。其卿六命。其大夫四命。其出封加一等。

公劉篇

臯陶

臯陶。一名庭堅。字隤。顓頊高陽氏之後也。高陽氏有才子八人。齊聖廣淵。明允篤誠。天下之民謂之八愷。而庭堅則其一焉。初陶母曰扶始。升高丘。見白虎。其上有雲。如虎。感已生臯陶。唐堯時。季秋下旬。堯夢白帝。遺以馬喙。子乃索扶始問之。如堯言。陶生馬喙。忠信疏通。勤而敏事。明於刑法。罪次終始。堯立臯陶為大理。陶決獄明白。察于人情。獬豸一角。能知曲直。性識有罪。陶治獄。其罪疑者。令豸觸之。天下

無虐刑。虞舜時，臯陶爲士師，陶一振褐而不仁者遠，乃立犴獄造科律，聽獄執中，終虞之氏而天下亡寃。舜命禹宅百揆，禹讓于臯陶，帝曰：臯陶，蠻夷猾夏，寇賊姦宄，汝作士，五刑有服，五服三就，五流有宅，五宅三居，惟明克允。舜耄期倦于勤，命禹攝位，禹曰：朕德罔克，民不依，臯陶邁種德，德乃降，黎民懷之。帝念哉，念茲在茲，釋茲在茲，名言茲在茲，允出茲在茲，惟帝念功。帝曰：臯陶，惟茲臣庶，罔或于予，正汝作士，明于五刑，以弼五教，期于予治，刑期于無刑，民協于中，時乃功懋哉。臯陶曰：帝德罔愆，臨下以簡，御衆以寬，罰弗及嗣，賞延于世，宥過無大刑，故無小罪，疑惟輕，功疑惟重，與其殺不辜，寧失不經，好生之德，洽于民心，茲用不犯于有司。帝曰：俾予從欲以治，四方風動，惟乃之休。臯陶曰：允迪厥德，謨明弼諧。禹曰：俞，如何。臯陶曰：都，慎厥身。

修思永惇，叙九族，庶明勵翼，邇可遠在茲。禹拜昌言曰：俞。臯陶曰：都。在知人在安民。禹曰：吁，咸若時，惟帝其難之。知人則哲，能官人，安民則惠，黎民懷之，能哲而惠，何憂乎驩兜，何遷乎有苗，何畏乎巧言令色。孔子曰：臯陶曰：都，亦行有九德，亦言其人有德，乃言曰：載采采。禹曰：何。臯陶曰：寬而栗，柔而立，愿而恭，亂而敬，擾而毅，直而溫，簡而廉，剛而塞，強而義，彰厥有常。吉哉。日宣三德，夙夜浚明，有家日嚴，祇敬六德，亮采有邦，翕受敷施，九德咸事，俊乂在官，百僚師師，百工惟時，撫予五辰，庶績其凝，無教逸欲，有邦兢兢業業。一日二日，萬幾無曠，庶官天工，人其代之。天叙有典，勅我五典，五惇哉。天秩有禮，自我五禮有庸哉。同寅協恭，和衷哉。天命有德，五服五章哉。天討有罪，五刑五用哉。政事懋哉，懋哉。天聰明，自我民聰明，天明畏，自我民明威，達于

上下敬哉。有土臯陶曰：朕言惠可底行。禹曰：俞。乃言底可績。臯陶曰：予未有知。思日贊贊襄哉。孔子曰：吾於臯陶謨見臯陶之忠勤功勳焉。帝曰：來。禹汝亦昌言。禹拜曰：都。帝予何言。予思日夜夜。臯陶曰：吁。如何。禹曰：洪水滔天，浩浩懷山襄陵，下民昏墊。予乘四載，隨山刊木，暨益奏庶鮮食。予決九州，距四海，濬畎澮距川，暨稷播奏庶艱食，鮮食懋遷，有無化居。烝民乃粒，萬邦作乂。臯陶曰：俞。師汝昌言。禹曰：予荒度土功，弼成五服，至于五千州。有二師，外薄四海，咸建五長，各廸有功。苗頑弗即工，帝其念哉。帝曰：廸朕德時，乃功惟叙。臯陶方底厥叙，方施象刑，惟明。帝庸作歌曰：勅天之命，惟時惟幾，乃歌曰：股肱喜哉，元首起哉，百工熙哉。臯陶拜手稽首，颺言曰：念哉，率作興事，慎乃憲，欽哉。屢省，乃成。欽哉。乃賡載歌曰：元首明哉，股肱良哉，庶事康

哉。又歌曰：元首叢脞哉，股肱惰哉，萬事墮哉。帝拜曰：俞。往欽哉。舜封之于臯。是曰臯陶。夏禹時興九招，命臯陶為夏箴，足鼓龍龔，簫八佾六列。皮弁素幘，九成而功。昭曰：大夏禹將昇陶政，陶辭，乃封之六陶。卒。其仲子克世使襲六，奉其祀。又封其後于蓼。周襄王三十年，楚滅六，蓼魯滅之。文仲聞之曰：臯陶庭堅不祀，忽諸。德之不建，民之無援，衰哉。

積

箋云：乃有積委。○周禮：大司徒大賓客，令野修道委積。小司徒小賓客，令野修道委積。遺人掌邦之委積，以待施惠。鄉里之委積，以恤民之難。阨門關之委積，以養老孤。郊里之委積，以待賓客。野鄙之委積，以待羈旅。縣都之委積，以待凶荒。凡賓客會同師役，掌其道路之委

積凡國野之道路室有委。侯館有積。委積者廩人倉人計九穀之數足國用以其餘共之少日委多

日積凡賓客令野修道而委積遂師賓客宅其委積廩人以歲之上下數邦用凡邦有會同師役之事則治其糧與其食倉人凡國家之大事共道路之委積掌

詳見齊風斧

傳云戚斧也。○釋名云戚感也斧以斬斷見者皆感懼也。

揚

傳云揚鉞也。疏云鉞大而斧小。大公六韜云大柯斧重八斤一名天鉞也。○劉存事始案輿服志曰黃帝制以銅為鳳首銜刃古今注云金斧黃鉞也。鐵斧玄鉞也。三代通用之。武王以黃鉞斬紂。太公以玄鉞斬妲己。將軍出征授黃鉞者亦以銅為之。○韓詩外傳云諸侯有德八錫鉄鉞。

嶽

傳云嶽小山別于大山也。○釋名云小山別大山曰嶽。嶽也。一孔者。麤形孤出處似之也。○爾雅云重嶽。嶽謂山形如累兩嶽。嶽也。嶽一

百泉溥原

曹氏曰漢朝那縣屬安定郡。隋改為百泉縣。屬平涼郡。魏于其地置原州。唐因之。百泉溥原即其處。○一統志陝西平涼府鎮原縣。漢為安定郡。後魏置原州。

廬

周禮遺人凡國野之道十里有一廬。廬有飲食。三十里有宿。宿有路室。路室有委。五十里有市。市有候館。候館有積。廬若今野候徒有房也宿可止宿若今亭有室

矣。候館樓可以觀望者也。一市之間有一廬三宿。○序音詩

依

箋云。公劉既登堂。負宸而立。○爾雅云。牖戶之間謂之宸。也。禮云。斧

在處各之。疏云。本牖戶之間名宸。覲禮。天子設屏風之狀于戶牖

間。因名此屏風為宸。是以其在宸處。即名曰宸也。○覲禮云。天子負

斧依于戶牖之間。左右几。

依。如今。緋素屏風也。有緋斧文。所以示威。

○明堂位云。天子負

斧依南鄉而立。

禮書曰。養馬謂之閑。養牛羊豕謂之牢。閑以防之。牢以固之。各象其性而制之也。○郊特牲云。帝牛必在滌。三月。稷牛惟具。鄭氏曰。滌者牢中搜除處。○周禮肆師。大祭祀。展犧牲。擊于牢。頒于職人。充人掌繫祭祀之牲。祀五帝。則繫于牢。芻之三月。享先王亦如之。○何休公

羊注云。滌。宮名。養帝牲三牢之處也。滌取其蕩滌潔清。三牢者。各王一月。取三月一時。足以充其大牲。

匏

陸佃禮圖云。舊圖匏爵用匏片為爵。據此乃杓也。若爵宜截其鼻以盛酒。不應破匏為之。鄭氏說。取甘匏去其。以齊為正。○禮記云。郊器用陶匏。以象天地之性也。○又云。三王作牢用陶匏。

流泉

郡縣志云。邠州三水縣。以縣界有羅川谷。三泉並流。故以為號。函城在縣西。高泉山。亦曰甘泉。在永壽縣北二十五里。五龍原在新平縣南三里。原側有五泉水。因名。

三單

互見無衣篇師

箋云。公劉遷豳。丁夫適滿三軍之數。單者無羨卒也。○春秋傳曰。成國不過半天子之軍。諸侯之大者。三軍可也。○周禮。小司徒。上地家七人。可任者家三人。中地家六人。可任者二家五人。下地家五人。可任者家二人。凡起徒役。毋過家一人。以其餘爲羨。惟田與追胥竭作。賈氏曰。此謂六鄉之內。上劑致甿。一人爲正卒。其餘爲羨卒。若六遂之內。以下劑致甿。一人爲正卒。一人爲羨卒。其餘皆爲餘夫。饒遠故也。○遂人。以下劑致甿。以下劑爲率。謂可任者家二人。

隰原

孔氏曰。禹貢。雍州原隰底績。公劉居豳。度其隰原以治田。是豳居原隰之野。○郡縣志云。邠州新平縣有五龍原。永壽縣有永壽原。宜祿縣有淺水原。

徹

王制曰。古者公田藉而不稅。○左傳云。穀不過藉。以豐財也。○穀梁傳云。古者什一藉而不稅。○公羊傳曰。古者什一而藉。○鄭匠人注云。周制。畿內用夏之貢法。稅夫無公田。邦國用殷之助法。制公田。不稅夫貢者。自治其所受田。貢其稅穀。助者借民之力以治公田。又使收斂焉。諸侯謂之徹者。通其率。以什一爲正。孟子云。野九夫而稅一。國中什一。是邦國亦異內外之法耳。○朱子孟子章句云。周時一夫受田百畝。鄉遂用貢法。十夫有溝。都鄙用助法。八家全井。耕則通力而作。收則計畝而分。故謂之徹。語錄云。此亦不可詳知。但因洛陽議論中。通徹而耕之說。推之耳。或但耕則通力。收則各得其畝。亦未可知也。按徹兼貢助二法。助法當如朱子所言。公田有廬舍在內是也。如鄭通率之說。則助之所取重。貢之所取輕。非孟子云皆什一。

之旨也

鍛

傳云。鍛。石也。箋云。所以為鍛質。○說文作礲。云厲石也。○朱傳云。鍛。鐵也。○禹貢。梁州厥貢。璆鐵銀鏤。○月令。季春。命工師審五庫之量。金鐵毋或不良。○廣雅云。鐵朴謂之礪。○一統志。南山出鐵。

芮

傳云。芮。水厓也。箋云。芮之言內也。○朱傳云。芮。水名。出吳山西北。東入涇。周禮職方作洎。○夏官職方云。雍州其川涇。洎。洎在幽地。○一統志。洎水在陝西鳳翔府隴州城西。源出弦蒲。東入涇水。周職方雍州其川涇。洎。詩曰。洎鞠之卽。皆謂是也。吳嶽在隴州南八十里。

鞞

爾雅云。隩。隈也。厓內為隩。內為鞞。孫炎曰。內。曲裏也。外。曲表也。

洞酌篇

餽

傳云。餽。餽。餽音也。○釋言云。饋。餽音。餽。稔也。孫炎曰。蒸之曰饋。均之曰餽。卽璞曰。今呼饗。饗音。飯為饋。饋熟為餽。○說文云。饋。一蒸米也。餽。飯氣流也。

卷阿篇

取

朱傳。或曰。取。當為版。版章猶版圖也。○周禮。小司徒。聽閭里以版圖。司會云。掌凡在版圖者之貳。以逆羣吏之治。版。戶籍也。圖。土地形象也。版。土地之圖。職方氏。掌天下之圖。小司徒。登民數。自生齒以上。登于天府。司民。掌登萬民之數。自生齒以上。皆書于版。

詩經考

大雅

十六卷

洞酌篇

餽

卷阿篇

取

鳳凰

鳳凰

釋鳥云。鷗音鳳。其雌皇。○說文天老云。鳳象鴻前麟後。蛇頸魚尾。鸛頸鴛思。龍文龜背。燕頰鷄喙。五色備舉。出東方有道之國。翱翔四海之外。過崑崙。飲砥柱。濯羽弱水。莫宿風穴。飛則群鳥從以萬數。五方神鳥。東方曰發明。南方曰焦明。西方曰鷓音鷓音。北方曰幽昌。中央曰鳳皇。○左傳云。鳳鳥氏司曆。杜預云。鳳知時。故以名曆官。○大戴禮。羽蟲三百六十。鳳凰為之長。○韓詩外傳。天老曰。鳳首帶德。頸揭義。背負仁。心入信。翼挾義。足履正。尾繫武。小音金。大音鼓。食有質。飲有儀。游必擇所。飢不妄下。其鳴也。雄曰節節。雌曰足足。昏鳴曰固常。晨鳴曰發明。晝鳴曰保章。舉鳴曰上翔。集鳴曰歸昌。○元命包云。火離為鳳。○運斗樞云。天樞得則鳳凰翔。○斗威儀曰。君乘土

而王。其政太平。鳳皇集於林苑。○樂叶圖微云。五音克諧。各得其倫。則鳳皇至。冠類鷄頭。燕喙蛇頸。龍形麟翼。魚尾五彩。不啄生蟲。又曰。五鳳為瑞者一。其四似鳳。並為妖。一曰鷓鷃。至則役之感。二曰發明。至則喪之感。三曰焦明。至則水之感。四曰幽昌。至則旱之感。○論語摘襄聖曰。鳳有六像。九包。六像者。頭象天。目象日。背像月。翼像風。足像地。尾像緯。九包者。口包命。心合度。耳聽達。舌誦伸。彩色光。冠矩州。宋均云州當作朱距銳鈞。音激。揚腹支戶。行鳴曰歸嬉。止鳴曰提扶。夜鳴曰善哉。晨鳴曰賀世。飛鳴曰郎都。知我者唯黃。持竹實來。故子欲居九夷。從鳳嬉。○淮南子云。二皇鳳至於庭。三代鳳至於門。周室鳳至於澤。德彌澆。所至彌遠。德彌精。所至彌近。禽經云。鳳青謂之鶡音。赤謂之鶡黃。謂之鸞。白謂之鶡。紫謂之鶡。○瑞應圖云。鳳皇仁鳥。王者不

言終者 九形
刳胎剖卵則至。

梧 詳見定之方中篇桐

釋木云。櫬。梧。今梧。○青史子云。梧東方之艸。春木也。○王逸子云。梧桐春榮。陽木也。○埤雅云。梧一名櫬。即梧桐也。今人以其皮青。號曰青桐。華淨妍雅。極可愛。故多近齋閣種之。梧。橐鄂皆五焉。其子似乳。綴其橐鄂。生多或五六。少或一二。飛鳥喜巢其中。莊子所謂桐乳致巢也。○雅翼云。梧木易生。鳥御墜者。輒隨生殖。其畦種者。是歲可高一丈。

板篇

凡伯

凡伯姬姓。周公之後。國於畿內。在汲郡共縣。周厲王時。凡伯人爲王

卿士。厲王無道。凡伯乃賦板以刺之。詩曰。上帝板板。下民卒瘁。出話不然。爲猶不遠。靡聖管管。不實於亶。猶之未遠。是用大諫。

藥

說文。治病艸。○周禮。疾醫。以五藥養其病。注云。艸木蟲石穀也。瘍醫。凡藥以酸養骨。以辛養筋。以鹹養脈。以苦養氣。以甘養肉。以滑養竅。○本草經云。上藥養命以應天。中藥養性以應人。下藥治病以應地。藥有陰陽配合。子母兄弟。根莖華實。艸石骨肉。○三皇紀云。神農始嘗百艸。始有鑿藥。

蕩篇

羹

爾雅云。肉謂之羹。○廣雅云。羹謂之涪。○釋名云。羹。注也。汗。注卽也。

○天官享人祭祀共大羹鉶羹賓客亦如之。疏云大羹肉滷盛於登謂大古之羹不調以塩菜及五味。鉶羹是陪鼎脚臠臠調以五味盛於鉶器謂之鉶羹。若盛之於豆卽謂之庶羞卽公食大夫十六豆也。○曲禮云進食之禮羹居人之右。母嚔嚔音搭羹。母絮羹羹之有菜者用挾挾音夾無菜者不用挾禮器云納牲詔於庭血毛詔於室羹定詔於堂。郊特牲云大羹不和貴其質也。內則云膳膾臠臠食雉羹麥食脯羹鷄羹折稌犬羹兔羹和糝不蓼。凡羹齊視夏時土不貳羹載鴉羹鷄羹釀之蓼羹食自諸侯以下至于庶人無等。玉藻云子卯稷食菜羹。○毛詩義問云鉶羹有菜鹽豉其中菜爲其形象可食。因以鉶爲名。○朱子云鄉飲酒禮卿射禮燕禮大射儀公食大夫禮少牢饋食禮皆曰羹定蓋以羹熟爲節然後行禮。

鬼方

易高宗伐鬼方。○大戴禮帝繫曰陸終娶于鬼方氏。○世本注云鬼方於漢則先零戎。○後漢西羌傳云武丁伐西戎鬼方三年乃克。○唐高祖紀云夏曰熏鬻商曰鬼方周曰玁狁漢曰匈奴魏曰突厥。○朱子殷武傳曰高宗伐鬼方蓋謂是與。

抑篇

蠻方

鄭注云九州之外不服者。疏云謂治夷鎮蕃三服。○禹貢五百里荒服三百里蠻二百里流。○大司馬云蠻畿外方五百里曰夷畿又其外方五百里曰鎮畿又其外方五百里曰蕃畿大行人云九州之外謂之蕃國世一見各以其所貴寶爲摯。○周語云蠻夷要服戎狄荒

服。

屋漏

爾雅云。西北隅謂之屋漏。孫炎曰。當室之所。白日光所漏入。舍人曰。古者徹屋。西北隅以炊浴。沒者訖而復之。故謂之屋漏。○箋云。屋。小帳也。漏。隱也。禮祭于奧。既畢。改設饌于西北隅。而扉扉扶隱之處。此祭之末也。疏云。天官幕人職。掌帷幕幄帟。幕以布。幄。帟以繒。為之。幄在帷幕內。則為小帳。室內亦有之。屋漏者。正謂西北隅也。言祭未時事者。特牲禮尸。設之後云。佐食徹尸。薦俎。散設于西北隅。凡在南。扉用筵。納一尊。佐食闔牖戶降。是其事也。禮記鄭注云。祭成人。始設奠于奧。是謂陰厭。尸設後。改饌于西北隅。是謂陽厭。若宗子為殤。惟有陰厭。若庶子適殤。宗子適殤。惟有陽厭。士有陰厭。陽厭。天子諸侯亦同。唯上大夫無陽厭。為當日賓尸故也。

按鄭之義。以陽厭為祭末之事。助祭者至此易倦也。故以不愧或之。考之特牲禮。陰厭尊有玄酒。陽厭納一尊而已。陰厭備鼎俎。陽厭俎釋三。个而已。則非徒在祭末。而其禮亦略矣。朱子云。獨居於室。不主祭言。故適旃。瑣言云。不愧屋漏。猶曰不愧閭室。然孔子云。當室之白。尊于東方。是謂陽厭。則屋漏非閭室矣。此箋云。扉隱之處。蓋用儀禮。扉用筵之文。彼文又云。佐食闔牖戶降。則室內無人。故彼注云。改饌為幽閭。有司徹司官闔牖戶注云。或者神欲幽閭是也。非以屋漏為閭室也。若詩取閭室之義。則立云。不愧于奧。不得云。不愧于屋漏。若欲從朱說者。但謂室中雖虛。尚當不愧于東北之隅。理亦自通。何必指明為暗。反孔子之說乎。

桑木

箋云。桑忍之木。被之菘以爲弓。○考工記。弓人爲弓。取幹之道七。柘為上。檟次之。楛桑次之。橘次之。木瓜次之。荆次之。柞為下。凡相幹。欲赤黑而陽聲。赤黑則鄉心。陽聲則遠根。

桑桑篇

芮伯

芮伯姬姓。字良夫。伯爵。國在周畿內馮翊臨晉縣芮鄉。周厲王時。芮伯為王卿士。芮伯稽古作訓。納王於善。暨執政小臣。咸省厥躬。作芮良夫解芮伯若曰。予小臣良夫。稽道謀告。予惟民父母。致厥道無遠。不服無道。左右臣妾。乃違民歸于德。德則民戴。否則民讎。茲言允效。于前不遠。商紂不道。夏桀之虐。肆我有家。嗚呼。惟爾天子。嗣文武業。惟爾執政。小子同先王之臣。昏行不顧。道王不若。專利作威。佐亂進禍。民將弗堪。治亂信乎。其行惟王。暨爾執政。小子攸聞。古人求多聞。以監戒。不聞是惟弗知。后除民害。不惟民害。害民乃非。后惟其讎。后作類。后弗類。民不知。后惟其怨。民至億兆。后一而已。寡不敵衆。后其危哉。嗚呼。雖畜亦如之。今尔執政小子。惟以貪諛為事。不勤德以備

難。下民胥怨。財單竭。手足靡措。弗堪戴。上不其乱。而以予小臣良夫。觀天下有土之君。厥德不遠。罔有代德。時為王之患。其惟國人嗚呼。惟爾執政朋友。小子其惟洗爾心。改爾行。克憂徃愆。以保尔居。尔乃贖禍。翫哉。遂弗悛。余未知王之所定。矧乃小子。惟禍發于人之攸忽。咎起於人之攸輕。心不存焉。變之攸伏。爾執政小子。不圖善。偷生苟安。爵以賄成。賢智箝口。小人鼓舌。逃害要利。並得厥求。唯曰哀哉。我聞曰。以言取人人。飾其言。以行取人人。竭其行。飾言無庸。竭行有成。惟爾小子。飾言事王。寔蕃有徒。王貌受之。終弗獲用。互相誣蒙。及尔顛覆。尔自謂有餘。予謂爾弗足敬。思以德備。乃禍難難至。而悔。悔將安及。無曰。予為惟爾之禍。厲王無道。芮伯乃賦桑柔。以刺之。詩曰。茹彼桑柔。其下侯旬。將采其劉。瘼此下民。不殄心憂。倉兄填兮。倬彼昊

天寧不我矜。厲王悅。榮夷公。芮良夫曰。王室其將卑乎。夫榮公好專利而不知大難。夫利百物之所生也。天地之所載也。而或專之。其害多矣。天地百物皆將取焉。胡可專也。所怒甚多。而不備大難。以是教王。王能久乎。夫王人者。將導利而布之上下者也。狎人百物。無不得其極。猶日怵惕。懼怨之來。故頌曰。思文后稷。克配彼天。立我烝民。莫匪爾極。大雅曰。陳錫載周。是不布利而懼難乎。故能載周以至于今。今王學專利。其可乎。匹夫專利。猶謂之盜。王而行之。其歸鮮矣。榮公若用。周必敗。既榮公為卿士。諸侯不享。王流于彘。

圍

釋詁云。圍。垂舍人曰。圍。拒邊垂也。孫炎曰。國之四垂。

肺

說文云。肺。金藏也。○釋名云。肺。勃也。其氣鬱勃也。○素問云。西方生燥。燥生金。金生辛。辛生肺。肺生皮毛。皮毛生腎。肺主鼻。又云。肺者相傳之官。治節出焉。又云。肺者氣之本。魄之處也。其華在毛。其充在皮。為陽中之大陰。通於秋氣。○文子云。肺為氣。○白虎通云。肺所以義何。肺者金之精。義者斷決。西方亦殺成萬物。故肺象金。色白。繫於鼻。

腸

說文云。腸。大小腸也。○釋名云。腸。暢也。暢胃氣。去滓穢也。○廣雅云。腸。詳也。○素問云。六經為川。腸胃為海。又云。脾胃大腸小腸者。倉廩之本。管之居也。名曰罷。能化糟粕。轉味而入出。至陰之類。通於土氣。○白虎通云。大腸小腸。心之府也。主禮禮有分理。腸亦大小相承受也。

大風

箋云。西風謂之大風。○釋天云。西風謂之泰風。孫炎曰。西風成物。物豐泰也。○易緯云。立秋間闔風至。○呂氏春秋曰。西方曰颶。颶音風

雲漢篇

仍叔

仍叔。周大夫也。周宣王承厲王之烈。內有撥亂之志。遇裁而懼。側身修行。欲銷去之。天下喜於王化復行。百姓見憂仍叔。乃賦雲漢以美之。詩曰。倬彼雲漢。昭回于天。王曰於乎。何辜今之人。天降喪亂。饑饉薦臻。靡神不舉。靡愛斯牲。圭璧既卒。寧莫我聽。此之謂也。

郊

周禮。太宰。祀五帝。掌百官之誓戒。與其具修。前期十日。帥執事卜日。

遂戒及執事。視滌濯。及納享。贊王牲事。祀之日。贊玉幣爵之事。冢人。祭祀。以疏布巾。冢八尊。掌次。祀五帝。張大次。小次。設重帘。重案。大司徒。祀五帝。奉牛牲。羞其肆。充人。掌繫祭祀之牲牲。祀五帝。則繫于牢。芻之。三月。大宗伯。以青圭禮東方。以赤璋禮南方。以白琥禮西方。以玄璜禮北方。皆有牲幣。各放其器之色。祀大神。祭大示。治其大禮。國有大故。則旅上帝。小宗伯。兆五帝于四郊。大司馬。及執事。禱祠于上下。神示。典瑞。四圭有邸。以祀天。旅上帝。兩圭有邸。以事地。旅四望。司服。祀昊天上帝。則服大裘而冕。祀五帝亦如之。大司寇。奏黃樂。歌大呂。舞雲門。以祀天神。奏大簇。歌應鍾。舞咸池。以祭地示。大祝。掌六祈。一曰類。大司寇。禋祀五帝。涖誓百官。祭之日。奉明水火。小司寇。禋祀五帝。實饌水。納享亦如之。職金。旅上帝。共其金版。士師。祀五帝。則沃尸。

言經考 禮記 卷之九
及王盥泊鑊水。○禮記月令。孟春元日。祈穀于上帝。仲夏。大雩帝。禮運云。祭帝于郊。所以定天位。祀社于國。所以列地利。禮器有。以下為貴者。至敬不壇。埽地而祭。有以素為貴者。大圭不琢。大羹不和。大路素而越。越音活。席。犧尊。疏布。甯。禱杓。郊特牲云。郊特牲而社稷太牢。郊之際。迎長日之至也。大報天而主日也。兆于南郊。就陽位也。埽地而祭。于其質也。器用陶匏。以象天地之性也。牲用騂。尚赤也。用犢。貴誠也。郊之用辛也。周之始郊。日以至。卜郊。受命于祖廟。作龜于禰宮。卜之日。王立于澤。親聽誓命。獻命庫門之內。戒百官也。太廟之命。戒百姓也。祭之日。王皮弁以聽祭報。被袞以象天。戴冕璪。十有二旒。乘素車。旂十有二旒。龍章而設日月。帝牛必在滌。三月。稷牛惟具。所以別祀天神與人鬼也。祭法云。燔柴於泰壇。祭天也。瘞埋于泰折。祭地也。

用騂犢。祭義云。郊之祭也。喪者不敢哭。凶服者不敢入國門。敬之至也。大報天而主日。配以月。夏后氏祭其闇。殷人祭其陽。周人祭日以朝及闇。明堂位云。魯君孟春。乘大路。載弧韜。旂十有二旒。日月之章。祀帝于郊。配以后稷。天子之禮也。○公羊傳云。郊則曷為必祭稷。王者必以其祖配。自內出者無主不行。自外至者無主不止。

奠瘞

孔氏曰。奠謂置之於地。瘞謂埋之於地。禮與物。皆謂為禮事神之物。酒食牲玉之類也。○爾雅云。祭天曰燔柴。祭地曰瘞。瘞。疏云。祭天之禮。積柴以實牲體。玉帛而燔之。使烟氣之臭。上達於天。祭神州地示於北郊。瘞。繒埋牲。因各祭地曰瘞埋。

宗

詩經考 卷之九 十六卷 郊 奠瘞 宗 群公先正

傳云宗尊也。凶荒索鬼神而祭之。○周禮大司徒荒政十一曰索鬼神。黨政春秋祭禘。大祝掌六祈類造禋禋吉禘反。祭攻說小祝掌侯禳禱祠之祝號以逆時雨。寧風旱。○祭法云埋少牢於泰昭祭時也。相近於坎壇祭寒暑也。王宮祭日也。夜明祭月也。幽宗祭星也。雩宗祭水旱也。四坎壇祭四方也。山林川谷丘陵能出雲爲風雨見恠物皆曰神。有天下者祭百神。相近當爲禳祈宗皆當爲禘。疏此經所載謂四時垂序寒暑僭逆水旱失時須用祈禱非關正禮之事。○左傳子產云山川之神則水旱癘疫之災於是乎禘之。日月星辰之神則雪霜風雨之不時於是乎禘之。

群公先正

月令仲夏命有司爲民祈祀山川百源。大雩帝用盛樂乃命百縣雩

祀百辟卿士有蓋於民者以祈穀實。百辟卿士古者上公若句龍后稷之類。疏百辟則古之上公國語鯀爲宗伯祭法有祀之文社稷五祀雖爲王朝卿士兼帶上公之官故左傳云封爲上公祀爲貴神。○周禮舞師掌教皇舞帥而舞旱暵之事。稻人旱暵共其雩歛司巫若國大旱則帥巫而舞雩。女巫旱暵則舞雩。○左傳云龍見而雩。

旱魃

說文魃旱鬼也。○神異經云南方有人長二三尺袒身目在頂上走如風名曰魃所見之國大旱赤地千里一名旱母遇者得之投溷中即死旱災消也。○山海經係昆之山有人衣青衣名曰黃帝女魃黃帝攻蚩尤冀州之野蚩尤請風伯雨師縱大風雨黃帝乃下天女曰魃雨止遂殺蚩尤魃不得復上所居不雨叔均言之帝後置之赤

水之北。所欲逐之者。令日神北行。○文字指歸云。女妖禿無髮。

祈年

疏云。孟春祈穀。孟冬祈來年是也。○月令。孟春。天子乃以元日祈穀

于上帝。謂以上辛郊祭太微之帝。疏云。郊特牲云。郊不言祈穀。此經言祈穀不言

郊。鄭以為二祭是一。故此注謂以上辛郊祭也。郊各祭所感之帝。殷

人祭汁兗紀。周人祭靈威仰。○左傳孟獻子云。郊祀后稷以祈農事

也。是故啓蟄而郊。郊而後耕。啓蟄。夏正建寅之月。耕謂春分。又云。孟冬。天子祈來年

于天宗。天宗。謂日月星辰也。○蔡邕云。日為陽宗。月為陰宗。北辰為星宗。○大

宗伯。以實柴祀日月星辰。星謂五緯。辰謂日月所會十二次。疏云。五緯。即五星。東方

歲星。南方熒惑。西方太白。北方辰星。中央鎮星。辰雖據日月會時而

言。即二十八星也。○祭義云。郊大報天而主日。配以月。疏云。天帝獨

為壇。其日月及天神等。各為一壇。○爾雅云。祭星曰布。

按此祈來年於天宗。既非遇災禱禳。則與祭法所云王宮夜明幽禁祭日月。星者異矣。又非朝日夕月。則與祭義所云祭日子壇。祭月于坎者異矣。其禮當如郊祭。主日配月者。日月及五緯星二十八經星。合為一壇。而以實柴祀之。牲蓋用牛。以夫宗伯注推之。可見。

度正

疏云。正。長也。周官三百六十。每官冬有其長。

崧高篇

甫侯

甫侯。周穆王時人。作呂刑者。或曰。宣王時人。而作呂刑之子孫。未知孰是。嶽山高大。降靈氣以生甫侯。皆姜姓之國也。

崧

釋山云。山大而高。崧。今中嶽嵩高。山蓋依此名。○釋名云。崧。竦也。亦高稱也。

嶽

釋山云。泰山為東嶽。華山為西嶽。霍山為南嶽。恒山為北嶽。高丘為中嶽。○禮記云。巡狩至于岱宗。柴而望祀山川。南嶽西嶽北嶽如初。禮天子祭天下名山。五嶽視三公。○大宗伯。以血祭祭五嶽。國有大故。旅四望。四望。五嶽四鎮四瀆。典瑞兩圭有邸以旅四望。司服祀四望。凡五嶽崩。令去樂職。方氏。荆州。衡山。豫州。華山。兖州。岱山。并州。恒山。○白虎通云。嶽之為言棟。棟功德東岱宗者。言物更相代於東方。南霍者。獲也。太陽用事。護養萬物。西華者。獲也。萬物成熟。可得獲也。北恒者。常也。萬物伏藏。有常也。中央高山。言其峻大之也。○風俗通云。東方泰山。尊曰岱宗。岱始也。宗長也。萬物之始。陰陽交代。故為五嶽長。南方衡山。一名霍。霍者萬物盛

長。垂枝布葉。霍然而大。西方華者。萬物變華於西山也。北方恒者。常也。中央富者。高也。○說苑云。五嶽能大布雲雨焉。能大斂雲雨焉。雲觸石而出。膚寸而合。不崇朝而雨。天下德視博大。故視三公也。

介圭

釋器云。珪大尺二寸。謂之玠。○大宗伯。以玉作六瑞。以等邦國。玉人。之事。鎮圭尺有二寸。天子守之。命圭九寸。謂之桓圭。公守之。命圭七寸。謂之信圭。侯守之。命圭七寸。謂之躬圭。伯守之。

按介之為言大也。毛以為諸侯之瑞圭是也。鄭獨以為尺二寸之圭。不知尺二寸乃王之鎮圭。豈得以賜諸侯乎。尚書。太保承介圭。孔安國云。大圭尺二寸。天子守之。可證介圭即鎮圭也。

郿

朱傳云。郿在鎬京之西。岐周之東。○一統志。郿縣在陝西鳳翔府。府

城東南百四十里。鄆城在鄆縣北十五里。渭水之北。

韓奕篇

梁山

禹貢。冀州既載。壺口治梁及岐。○釋山云。梁山。晉望也。在夏陽西北。臨河上。○

玉海云。梁山在京兆府奉天縣北五里。古公踰梁山。秦立梁山營。又

同州韓城縣南十九里。亦有梁山。漢左馮翊夏陽縣西北。詩所謂奔

奔梁山也。爾雅以爲晉望。

韓侯

韓侯。武王之後也。韓侯之先。因自蠻而長之。故錫之。追陌使爲之築

修城池。治田畝。正稅法。納貢於王侯。娶妻乃厲王之甥。

韓

左傳云。韓。武之穆也。○通典。同州韓城縣。古韓國。有韓原。○一統志。

古韓城。在韓城縣南十八里。

按水涇注引王肅曰。涇郡方城縣。有韓侯城。後魏志亦云。范陽郡方城縣。有韓侯城。此詩下文又有燕師所完。奄受北國之。又故李氏疑韓國在燕地。古方城縣。即今順天府固安縣地也。存之以備參考。

仲山甫

樊侯。字仲山甫。食采于周。東都畿內之樊。謚曰穆仲。周宣王時。仲山甫爲相。魯武公以子括與戲見宣王。王欲立戲。仲山甫諫曰。不可立也。不順必犯。犯王命必誅。故出令不可不順也。令之不行。政之不立。行而不順。民將棄上。天下事上。少事長。所以爲順也。今天子立諸侯。而建其少。是教逆也。若魯從之。而諸侯倣之。王命將有所壅。若不從而誅之。是自誅王命也。是事也。誅之失。不誅亦失。天子其圖之。王卒

立之。宣王欲得國子之能導訓諸侯者。樊穆仲曰。魯侯孝。王曰。何以知之。對曰。肅恭明神。而敬事耆老。賊事行刑。必問於遺訓。而咨於故實。不干所問。不犯所咨。王曰。然則能訓治其民矣。乃命魯孝公于夷宮。宣王命仲山甫築城于齊。尹吉甫乃賦烝民以贈之。詩曰。天生烝民。有物有則。民之秉彝。好是懿德。天監有周。昭假于下。保茲天子。生仲山甫。宣王既喪。南國之師。乃料民于太原。仲山甫諫曰。民不可料也。夫古者不料民。而知其多少。司民協孤終。司商協名姓。司徒協旅。司寇協姦。牧協職。工協革。場協入。廩協出。是則多少死生。出入往來者。皆可知也。於是乎又審之以事王。治農於籍。蒐于農隙。耨穫亦於籍。彌於既烝。狩於畢時。是皆習民數者也。又何料焉。不謂其少。而大料之。是示少而惡事也。臨政示少。諸侯避之。治民惡事。無以賦令。且

無故而料民。天之所惡也。害於政而妨於後。嗣王卒料之。

受命

朱傳云。蓋即位除喪。以士服入見天子而聽命。○王制云。諸侯之世子未賜爵。視天子之元士。以君其國。○韓詩內傳云。諸侯世子三年喪畢。上受爵命于天子。○白虎通云。世子上受爵命。衣士服。何謙不敢自專也。故詩曰。韎韐有旒。世子始行也。

覲

大宗伯云。秋見曰覲。大行人云。秋覲以比邦國之功。○聘禮云。侯氏裨冕。釋幣于禩。乘墨車。載龍旂。弧韞。乃朝。以瑞玉。有繅。天子設斧依于戶牖之間。左右几。天子衮冕。負斧依。侯氏入門右。坐奠圭。再拜稽首。擯者謁。侯氏坐取圭致命。王受之玉。侯氏降階。東北面。再拜稽首。

擯者延之日升。升成拜。乃出。記。凡侯于東箱。偏駕不入王門。奠圭于纁上。

入覲 互見商頌長發篇

箋云。覲於宣王而奉享禮。○周禮內府。凡四方之幣獻之金玉齒革兵器。凡良貨賄入焉。大行人云。廟中將幣三享。皆束帛加璧。庭實惟國所有。小行人云。合六幣。圭以馬。璋以皮。璧以帛。琮以錦。琥以繡。璜以黼。玉人云。

璧琮九寸。諸侯以享天子。瑋琮八寸。諸侯以享夫人。○覲禮云。四享皆束帛加璧。實惟國所有。四當為三。初享或用馬。或用虎豹之皮。其次享。三牲魚腊。蓬豆之實。龜也。金也。丹漆。

絲續竹箭也。其餘無常貨。惟所又云。奉束帛。匹馬。卓上。九馬隨之。奠幣再拜稽首。升致命。王撫玉。侯氏降自西階。東面授宰幣。西階前再拜稽首。以馬出授人。九馬隨之。事畢。

凡伯

凡伯。周幽王卿士也。幽王嬖褒姒。任奄人以致亂。凡伯乃賦瞻印以刺之。詩曰。瞻印昊天。則不我惠。孔填不寧。降此大厲。邦靡有定。士民其瘵。蝨賊蝨疾。靡有夷屆。罪罟不收。靡有夷瘳。

綬章

傳云。綬。大綬也。○王制云。天子殺則下大綬。諸侯殺則下小綬。綬當為綬。

有虞氏之旌旗也。明堂位云。夏后氏之綬。虞當言綬。夏當言旌。蓋錯誤也。綬謂注旄牛尾于杠首。所謂大麾。周禮建大旌以田。○夏采注云。徐州貢夏翟之羽。虞以為綬。後世或無。染鳥羽象而用之。或以旄牛尾為之。綬於幢上。所謂注旄於竿首。○箋云。綬所引以登車。有采章也。○說文云。綬。車中把也。○曲禮曰。君車已駕。僕取貳綬跪乘。凡僕人之禮。必授人綬。乘路馬。必朝服。不敢授綬。少

儀曰執君之乘車則坐僕者右帶劔負良綬申之面拖諸幣以散綬升執轡然後步。○論語曰升車必正立執綬

鏤錫

疏云金路無錫有鈎此金路得有鏤錫者蓋特賜之。○巾車云玉路錫樊纓錫馬面當盧刻金為之所謂鏤錫當盧者當馬之額盧在眉眼之上

鞞

傳云鞞軾中也。○考工記輿人為車參分車隧一在前二在後以揉其式以其廣之半為之式崇參分軾圍去一以為式圍。○孔氏云軾者兩較之間有橫木可憑者也。

淺

傳云虎皮淺毛也。○月令其蟲倮虎豹之屬。○虎豹之屬。○虎豹之屬。

幘

傳云幣覆式也。○玉藻云君羔幣虎膺大夫齊車鹿幣豹膺朝車士齊車鹿幣豹膺幣覆也。○少儀曰御負良綬申之面拖諸幣。曲禮曰大夫士去國素箴。○周禮王之喪車木車犬禩疏飾素車犬禩素飾藻車鹿淺禩革飾駝車然禩髮飾漆車豸禩雀飾。○荀子曰絲末彌龍所以養威也。○禮書云幣若席然施諸軾上諸書幣箴禩末具即幘字

金厄

疏云毛以厄為厄蟲則金厄者以金接轡之端如厄蟲然。鄭易傳以金為小環往往纏搯之往往者言非一二處。

屠

李氏曰同州鄜谷。○說文云鄜在馮翊郿陽亭。○朱傳或曰即杜也。

言終考 九刑 十一
○解頤字義云。屠蓋在鎬京東北之地。未詳其處。或以爲在同州郿谷。則太遠。或以爲即鄠縣之杜陵。則其地在鎬京南。不當至此也。

顯父

顯父。周之卿士也。韓侯初立。朝周而歸。宣王命顯父餞之。屠焉。詩曰。韓侯出祖。出宿于屠。顯父餞之。清酒百壺。此之謂也。

壺

說文云。壺。昆吾園器也。象形。從太。象其蓋也。○周禮。秋嘗冬蒸。其饋獻用兩壺尊。掌客。上公壺四十。夫人致禮八壺。侯伯三十二。夫人致禮八壺。子男二十四。夫人致禮六壺。○禮記。五獻之尊。門內壺。又云。尊壺者。面其鼻。○特牲禮。視壺濯。尊兩壺于阼階東。又曰。覆兩壺焉。蓋在南。鄉飲酒。尊兩壺于房戶間。鄉射。兩壺斯禁。聘禮。陳饗。或八壺。

或六壺。燕禮。卿大夫兩方壺。士旅兩園壺。公尊瓦大。大射。膳兩甒。卿大夫方壺。士旅園壺。少牢尊兩甒。士喪。大斂。兩瓦甒。虞兩甒。○禮圖云。洗壺受一斛。口徑一尺。頭高五寸。大中。身兌下。赤漆中。上加青雲氣。方壺受一斛。腹園。足口方。園壺受一斛。腹方。足口園。

菽

釋器云。菜謂之菽。○孔氏云。菽者。菜茹之總名。

筍

爾雅云。筍。竹萌。筍。箭萌。○天官醢人云。浴菹。雁醢。筍菹。魚醢。○陸機云。筍者。四月生。惟巴竹筍。八月九月生。始出地。長數寸。鬻以苦酒。豉汁浸之。可以就酒及食。○呂覽云。和之美者。越駱之菌。越駱。山名。○筍譜云。竹初種。根食土而下。求乎母也。及擢筍。冒土而上。愛乎子也。

筍大約不過青綠色。本艸木性。甲乙氣。○李英公本艸云。竹筍性甘。無毒。主消渴。利水道。益氣。可久食。

贈

觀禮云。天子賜侯氏以車服。路先設西上。路上四亞之。重賜無數。在車南。諸公奉篋服。加命書于其上。升自西階東面。太史是右。侯氏升。西面立。太史述命。侯氏降兩階之間。北面再拜稽首。升成拜。太史加書于服上。侯氏受。○樂記云。大路者。天子之車也。龍旂九旒。天子之旌也。青黑緣者。天子之寶龜也。從之以牛羊之群。則所以贈諸侯也。

侯氏

觀禮注云。不言諸侯。言侯氏者。明國殊舍異。禮不凡之也。

貓

傳云。貓似虎。淺毛者也。○釋獸云。虎竊毛謂之虢貓。竊淺也。詩曰。有

麇如○雅翼云。虎淺色謂之虢貓。而西域傳注。稱獅子似虎。正黃而

有頰。尾端毛大如斗。又詩稱韓土之樂。有貓有虎。周書記武王之狩。

禽虎二十有二。貓二則是虎之類也。

按釋獸之文。貓即虎之淺毛者。以上下文。熊羆虎類之。知是猛獸。非捕鼠之貓也。捕鼠之貓。形亦似虎。又畫地卜食。亦如虎。其鼻端常冷。惟夏至一日。暖。蓋陰類也。故應陰。氣如此。與虎陽獸。感風不全。西陽雜俎云。貓一名蒙貴。一名烏圓。陸農師以貓食田鼠。虎食田鼠。故詩以魯韓樂。失之矣。

燕

朱傳云。燕。召公之國。○地里志。薊縣。故燕國。召公所封。○國都城記云。地在燕山之野。故國取名焉。北燕伯欵始見春秋。○元命包云。箕星散為幽州。分為燕國。○一統志。順天府。武王封堯後於薊。封召公

與于燕。即此。燕山在薊州玉田縣西北二十里。

蹶父

蹶父。周宣王時卿士也。蹶父為人武健。歷使諸國。獨以韓為樂士。遂以其女韓姑妻韓侯焉。詩曰。蹶父孔武。靡國不到。為韓姑相。攸莫如韓樂。此之謂也。

追貊

傳云。追貊。戎狄國。箋云。後追貊為獫狁所逼。稍稍東遷。疏云。貊者。東夷之種。分居於北。故於此時為韓所統。○周官職方。辨九貉之人。民。比方曰貉。狄貉隸注。云。征東北夷所獲。○說文云。貉。北方豸種。孔子曰。貉之為言惡也。○漢書高紀云。北貉燕人助漢。師古曰。貉在東北方。三韓之屬。皆貉類也。地里考云。後漢傳有貊耳。小水貊。濊。濊音。濊音。貊之屬。東夷之貊也。

韓姑

韓姑。周厲王之甥。蹶父之子。韓侯之夫人也。韓侯朝周。親迎韓姑以歸。韓姑既歸。能盡婦道。致有顯譽。君子謂韓姑賢而寔家。詩曰。慶既令居。韓姑燕譽。此之謂也。

北國

箋云。北面之國。疏云。職方氏。正北曰并州。言受王畿北面之國。當是并州牧。○黃氏曰。今洛。洛音。州曲梁。赤狄也。中山安喜。鮮虞國。真定。鼓國。豪城。西壘。肥國。皆白狄也。

貊

釋獸云。貊。白狐。其子毅。毅呼。上反。○陸機云。貊似虎。或曰似熊。一名執夷。一名白狐。遼東人謂之白羆。○說文云。虎豹屬。出貊國。書云。如虎如

言經考 九雅
貌于商郊。○曲禮云。前有擊獸。則載貔貅。○莊子曰。豐狐文罷。搏於山林。伏於巖穴。夜行晝居。求食江湖之上。

江漢篇

淮夷

陳傳良云。江漢常武二篇。同言淮夷。以地理考之。曰江漢之游者。淮南之夷也。若在淮北。則江漢非所入之路也。曰率彼淮浦。省此徐土者。淮北之夷也。若在淮南。則徐土非聯接之地矣。孔氏曰。召公伐淮夷。在淮水南。魯僖伐淮夷。在淮水北。當淮之南北。皆有夷也。○禹貢云。淮夷蠙珠暨魚。費誓云。徂茲淮夷。徐戎並興。○春秋僖十四年。杞辟淮夷。遷都。諸侯城緣陵。十六年。鄭為淮夷所病。會于淮謀鄭。○後漢東夷傳。殷武乙衰敝。東夷浸盛。遂分遷淮岱。漸居中土。周公征之。

遂定東夷。厲王無道。淮夷入寇。王命虢仲征之。不克。宣王復命召公伐而平之。

占

疏云。鬱人掌和鬱鬯以實彝。則鬯當在彝。而此及尚書左傳。皆云和鬯一占者。當祭時。乃在彝。未祭則在占。賜時未祭。故占盛之。○爾雅云。彝。占。鬯。罷也。占。中尊也。孫炎曰。尊彝為上。壘為下。占居中。郭璞曰。占不大不小者。○周禮。鬯人。廟用修。廟用修者。謂始禘時。自饋孰始。修讀曰占。占。中尊。謂獻象之屬。

常武篇

程

楚語云。重黎氏世叙天地。在周。程伯休父其後也。當宣王。失其官守。而為司馬氏。常昭云。程國伯爵。休父名也。失官。謂失天地之官。而以

諸侯爲大司馬。○郡國志雒陽有上程聚。古程伯休父之國也。○一統志上程聚在河南府洛陽縣。

程伯休父

程伯各休父。重黎氏之後。周司馬也。初帝顓頊命南正重以司天。北正黎以司地。唐虞夏商之際。重黎氏世序天地。周時休父失其天地之官。食采于畿內之程。宣王常親征淮。比徐州之夷。命尹吉甫策命休父爲大司馬。以董六師。從征有功。其後因爲司馬氏。詩曰。王謂尹氏。命程伯休父。左右陳行。戒我師旅。率彼淮浦。省此徐土。不畱不處。三事就緒。此之謂也。

徐

曹氏云。禹貢徐州東至海。北至岱。南及淮。其地廣入衆矣。若淮夷則

東夷之種。散處淮浦者爾。○陳氏曰。徐大而淮夷小。淮夷即徐州之夷。而服屬於徐。曰徐方者。兼徐淮而言之。曰徐國者。特言徐戎也。○地里志。臨淮徐縣。故徐國。○郡縣志。大徐城在泗州徐城縣北三十里。徐子國。○玉海云。徐嬴姓。伯益佐禹有功。封其子若木於徐。○一統志。直隸鳳陽府泗州。春秋時徐子國。徐城在州北五十里。

三事

箋云。三農之事。○太宰云。以三農生九穀。先鄭云。三農。平地山澤也。玄謂原隰及平地。○朱子云。上中下農夫。

釋

箋云。釋當作驛。傳傳張遽之驛。○周禮。行夫掌邦國傳遽之小事。傳若今時乘傳騎驛而使者也。○廣雅云。郵驛也。置亦驛也。○漢書田儵傳云。尸鄉

廐置。臣瓚曰。案廐置。謂置馬以傳驛者。○李陵傳云。因騎置以聞師。古曰。騎置。謂驛騎也。○丹鈔總錄云。按說文。驛。置騎也。驛。驛傳也。合而觀之。驛。主于騎言馬也。駟。主于傳言車也。字書。馬。逝曰置。步。逝曰郵。漢謂之乘傳。如淳曰。漢律。四馬高足為置傳。四馬中足為馳傳。四馬下足為乘傳。一馬二馬為軺傳。又謂之遽。

瞻印篇

織

說文曰。織。作布帛之總名。○內則云。女子十年不出。執麻枲。治絲繭。織紝組紃。學女事。

狄

爾雅。八狄。八狄在北。○周官職方氏辨六狄之人民。○王制云。北方曰狄。

衣羽毛穴居。有不粒食者矣。明堂位。五狄之國。○風俗通云。父子嫂叔同穴無別。狄者辟也。其行邪辟。其類有五。一曰月支。二曰穢貊。三曰胸奴。四曰單于。五曰白屋。

召旻篇

昏

箋云。昏。椽。皆闇人也。昏其官名。○周禮。闇人。王宮每門四人。掌守王宮中門之禁。喪服凶器不入宮。潛服賊器不入宮。奇服怪民不入宮。凡內人公器賓客。無帥則幾其出入。以時啓閉。掌掃門庭。○天官。酒人。奄十人。奄。精氣閉藏者。聚人。奄五人。逐人。醢人。各奄一人。醢人。正內五人。內。堅。倍。寺人之數。地官。春人。轄人。各奄二人。蒙人。奄八人。春官。守桃。奄八人。

苴

傳云水中浮艸。○箋云樹上棲苴。○疏云苴是艸木之枯槁者。故在樹未落及已落為水漂者稱苴也。

疏糲

朱傳云。疏糲也。糲則精矣。○九章算術云。粟率五十。糲米三十。

十七鑿二十四。御二十一。

十六卷終

口無味四曰單于正曰白星

味同穴無味。必皆報也。其汗味報其賤。首正一日只支二曰燕。三示修手穴。豈肯不味。食音矣。即堂山正外之國。○風俗錄云。文于數

詩經考卷之十七

古閩

黃文煥 維章甫 輯著

徐 燭 興公甫 校閱

周頌

清廟篇

顯相

箋云。諸侯來助祭。○周語云。甸服者祭。侯服者祀。賓服者享。日祭。月祀。時享。○何休公羊注云。王者貴得天下之歡心。以事其先王。因助祭。以述其職。故分四方諸侯為五部。部有四輩。輩主一時。孝經曰。四海之內。各以其職來助祭。尚書曰。羣后肆朝是也。

我將篇

將享

序云。祀文王於明堂。疏云。此祀明堂。是大享五帝。非迎氣告朔也。五帝之牲用特牛。文武為配。於禮得有羊。○孝經云。管者周公郊祀后稷以配天。宗祀文王於明堂以配上帝。是以四海之內。各以其職來祭。○曲禮云。大饗不問卜。不饒富。月令。季秋上丁。命樂正入學習吹。是月也。大饗帝。禮記曰。祀乎明堂而民知孝。祭法云。虞祖顓頊而宗堯。夏祖顓頊而宗禹。殷祖契而宗湯。周祖文王而宗武王。祭五帝五神於明堂禮作樂。頒度量而天下大服。○考工記云。夏后氏世室。堂修二七廣四修一。五室三四步。四三九階。四旁兩夾。白盛門。堂三之二。室三之一。殷人重屋。堂修七尋。堂崇二尺。四阿重屋。周人明堂度九尺。

之筵。東西九筵。南北七筵。堂崇一筵。五室。凡室二筵。○周書明堂曰。方百一十二尺。高四尺。階廣六尺三寸。室居中。方百尺。室中方六十尺。東應門。南庫門。西臯門。北雉門。東方曰青陽。南方曰明堂。西方曰總章。北方曰玄堂。中央曰太廟。以左為左个。右為右个。○帝命驗云。帝者成天立府。以尊天重象。赤曰文祖。黃曰神斗。白曰顯記。黑曰玄矩。蒼曰靈府。○大戴禮云。明堂凡九室。一室而有四戶。八牖。三十六戶。七十二牖。以茅蓋屋。上圓下方。外水名曰辟雍。○含文嘉云。明堂所以通神靈。感天地。正四時。○禮記外傳云。一堂之上為五室。南面三階。五室者。象地載五行也。五行生於四時。故每室四達。○援神契云。周之明堂。在國之陽。三里之外。七里之內。在辰巳。

時邁篇

時邁

序云。時邁。巡狩告祭柴望也。○尚書云。歲二月。東巡狩至于岱宗。柴望秩于山川。肆覲東后。協時月。正日東律度。量衡修五禮五玉三帛。二生一死贄。如五器卒乃復。五月南巡狩。至于南嶽。如岱禮。八月西巡狩。至于西嶽。如初十有一月。朔巡狩。至于北嶽。如西禮。歸格于藝祖用特。○周禮。大司馬云。及師大合軍。以行禁令。以救無辜。伐有罪。師。謂巡狩會同。職方氏。王將巡狩。飛于四方。曰。各修平乃守。考乃職事。無敢不敬戒。及王之所行。先道帥其屬而巡戒令。王殷國亦如之。大行人。十有二歲。王巡守殷國。土訓誦訓。王巡狩則夾王車。○王制云。天子五年一巡守。柴而望祀山川。覲諸侯。問百年者。就見之。命太師陳詩以觀民風。命市納賈以觀民所好惡。命典禮考時月。定日。同律禮樂。

制度衣服正之。山川神祇有不舉者為不敬。君削以地。宗廟有不順者為不孝。君絀以爵。變禮易樂者為不從。君流。革制度衣服者為畔。君討。有功德於民者。加地進律。○大戴禮云。十有二歲。天子巡狩。是故諸侯上不敢侵陵。下不敢暴小民。○逸禮云。巡狩者何。巡循也。狩。牧也。謂天循行牧民也。○禮記外傳云。夏殷五載一巡狩。五年再周。十二年一巡狩。歲星一周。巡狩之年。四方諸侯先會嶽下以候見。

夔

疏云。夔者弓衣。一名韜。故納弓於衣。謂之韜弓。○左傳。楚公子圍娶於公孫段氏。垂夔而入。注云。垂夔。示無弓。○樂記云。武王克殷。倒載干戈。包之以虎皮。名曰建夔。兵甲之衣。曰夔。

夏

箋云樂歌大者稱夏。○周禮大司樂大祭祀王出入奏王夏。尸出入奏肆夏。牲出入奏昭夏。帥國子而舞大饗不入牲。其他皆如祭祀。大射。王出入令奏王夏。鐘師以鐘鼓奏九夏。王夏。肆夏。昭夏。納夏。章夏。齊夏。族夏。祓夏。騶夏。九夏皆詩篇各頌之族類載在樂章樂簡亦從而亡是以頌不能具樂師教樂儀行以肆夏道亦如之。○杜子春云。王出入奏王夏。尸出入奏肆夏。牲出入奏昭夏。四方賓來奏納夏。臣有功奏章夏。夫人祭奏齊夏。族人侍奏族夏。客醉而出奏陔夏。公出入奏騶夏。賈公彥云。此九夏者。惟王夏天子得奏。其肆夏則諸侯亦得用。故燕禮奏肆夏。大夫以下不得。故郊特牲云。大夫奏肆夏。由趙文子始。明不合也。其昭夏以下。諸侯亦用之。鄉飲酒鄉射。燕禮大射。賓醉將出之時。皆云奏陔。大射公入奏騶夏。明天子亦用也。○禮記云。賓入大門而奏肆夏。易以敬。○國語曰。金

奏肆夏繁遏渠。天子所以享元侯。呂叔玉云。皆周頌也。肆夏時邁也。繁遏。執僮。僮。競也。渠。思文。肆。遂也。夏。大也。言遂于大位。謂王位也。故時邁曰肆于時夏。

執競篇

莞

書曰。下管。鼗鼓。○周禮。小師。掌教箛管。管如篪而小。併兩而吹之。今大予樂官有焉。警矇。掌播箛管。笙師。掌吹管。大司樂。孤竹管。圜丘奏之。孫竹管。方丘奏之。陰竹管。宗廟奏之。○燕禮。大射。下管新宮。○禮記。下管象。又云。竹聲濫。濫以立會。會以聚眾。君子聽竿。笙簫管之聲。則思畜聚之臣。○爾雅云。大管謂之箛。箛音其中謂之篳。小者謂之箛。管長八圍寸。併漆之有底。○箛音眇。○風俗通云。管。漆竹。長一尺六孔。十二月之音。象物貫地而牙。故謂之管。尚書太傳。舜之時。西王母來獻白玉管。管

言經考
章帝時。零陵文學奚景於冷道舜祠下。得笙白玉瑋。如古以玉為瑋。後乃易之以竹耳。天以玉作音。故神人和。鳳凰儀也。○白虎通云。管。良音也。○樂法圖曰。東律主黃鍾。聖人承天樂用管。管音調則律歷正。○樂書云。八音七曰竹。其卦則震。方則東。時則春。聲尚議。律姑洗。風明庶。其音温。春分之氣也。先王以為簫管之屬。管女媧氏命娥陵氏制都良之管。以一天下之音。又命聖氏為班管。合日月星辰。至帝嚳命咸墨吹簫展管。亦因是矣。

思文篇

來牟

說文云。來。周所受瑞麥來麩。一來二縫。象芒束之形。天所來也。來麩。麥也。○雅翼云。古稱下田宜稻麥。今小麥例須下田。大麥則不然。詩

所謂青青之麥。生于陵陂者。謂大麥也。麩者。周所受瑞麥來麩也。一作牟。又作麥。即今大麥。劉向以為釐麩。麥也。然則來牟一物。唯廣雅以麩為大麥。來為小麥。○本艸云。小麥。味甘。主除熱。止躁渴。養肝氣。以作麩。作麩温。大麥。味鹹。主消渴。除熱。益氣。調中。為五穀長。

臣工篇

保介

箋云。保介。居右也。○月令。孟春。天子親載耒耜。措之於參。保介之御。間躬耕帝籍。保介。居右也。人君之車。必使勇士衣甲居右。而參乘備非常也。保。猶衣也。介。甲也。○呂氏春秋注云。保介。副也。載耒耜致于保介之間。施用之。○朱傳云。蓋農官之副也。

畬

言耕者 周禮
卿遂之官。司稼之屬。其職以萬夫爲界者。溝洫用貢法。無公田。故皆謂之私。

耕

周禮閭師云。凡任民。任農以耕事。貢九穀。不耕者。祭無盛。○周書曰。神農之時。天雨粟。神農耕而種之。○山海經云。后稷播百穀。始作耕。○韓詩說云。東西耕曰橫。南北耕曰由。○呂氏春秋云。冬至後五旬七日。菖葉生。菖者百艸之先生也。於是始耕。○汜勝之書曰。秋耕宜早。春耕宜遲。強土而弱之。弱土而強之。○王氏農書曰。耕地之法。未耕曰生。已耕曰熟。初耕曰塌。塌音塔再耕曰轉。生者欲深而猛。熟者欲淺而廉。

振鷺篇

雝

傳云。雝。澤也。○韓詩章句云。西雝。文王之雍也。言文王之時。辟雍學士。皆潔白之人也。○朱氏云。先儒多謂辟雍在西郊。故曰西雝。

客

箋云。二王後祀宋。○郊特牲云。天子存二代之後。猶尊賢也。尊賢不過二代。○樂記云。武王代紂。既下車。封夏后氏之後於杞。投殷之後於宋。○尚書云。成王既黜殷命。殺武庚。命微子啓。作微子之命。王若曰。殷王元子。惟稽古。崇德象賢。統承先王。修其禮物。作賓王家。庸建爾于上公。尹茲東夏。○書傳云。天子存二代之後。與已三。所以通天三統。立三正。○左傳。皇武子云。宋先代之後也。於周爲客。天子有事。禘焉。有喪。拜焉。○史記。杞世家云。武王求禹之後。得東樓公。封之於

祀以奉夏后氏之祀。○括地志。汴州雍丘縣。古杞國。○一統志。開封府。杞縣。在府城東百里。殷周皆以封夏後。爲杞國。

豐年篇

廩

爾雅云。廩。解。廩音也。○說文云。向。即廩。穀所以振入宗廟。粢盛。倉黃

向而取之也。○周禮。廩人。掌九穀之數。以待國之匪頒。賜稍食。以

歲之上下。數邦用。以知足否。以詔穀用。凡會同師役之事。治糧食。大

祭祀。共接盛。藏米曰廩。廩人。舍人。○公羊傳云。御廩。粢盛之所委。○

孟子。疏云。倉有室曰廩。○釋名云。廩。稔也。寶物可惜者。投之其中也。

○天文集曰。廩星主倉。○管子曰。倉廩實。知禮節。

秭

韓詩傳云。陳穀曰秭。○毛傳云。數億至億曰秭。

有瞽篇

應

傳云。應。小鞀。○爾雅云。鼓小者謂之應。○釋名云。鞀。禪也。禪助鼓節

也。聲在前曰朔。朔始也。在後曰應。應大鼓也。○周禮。小師。大祭祀。下

管。擊應鼓。徹歌。大饗亦如之。○禮器曰。廟堂之下。縣鼓在西。應

鼓在東。○大射禮。建鼓在阼階。西南鼓。應鞀在其東。南鼓。西階之西。

一建鼓在南。東鼓。朔鞀在其北。○應鞀。應朔鞀也。先擊朔

田

傳云。田。大鼓也。疏云。應既是小。田宜爲大。○箋云。田當作鞀。鞀音鞀

小鼓。在大鼓旁。應鞀之屬。○周禮。太師。太祭祀。下管。令奏鼓鞀。鄭司

之月令仲夏命樂師飭鐘磬祝歌明堂位云措擊四代之樂器也措擊
謂祝樂記云聖人作鞀鼓柷楬楬簎此六者德音之器也柷楬○白
虎通云祝歌者終始之聲萬物之所生也陰陽順而復故曰祝祝始
也歌終也一說祝在東北方○釋名云祝如物始見祝祝然也○樂
記圖曰祝衆也以舉衆樂乾主立冬陰陽終始聖人象天以制祝法
使死者不恨生者不怨○國語云華木一聲○樂書云木者所以合
止樂之器其卦巽其方東南之維其時春夏之交其風清明其律夾
鍾其聲一其音直立夏之氣也先王以為祝歌之屬陰始于二四終
于八十陰數四八而以陽一主之所以作樂此祝居官縣之東象春
物之成始也

圍

爾雅云所以鼓歌謂之篥篥音真○歌如伏虎背有二十七
云敵止也所以止樂○字說云虎西方之獸故歌為伏虎二十七齟
齟者三九之數陽成于三變于九樂之長尺十之數也陽三九而陰
十勝之所以止樂○樂書云歌居官縣之西象秋物之成終

簫

釋樂云大簫謂之言小者謂之箛箛音又○言編二十三管長尺四
寸箛十六管長尺二寸簫一名籥
○博雅云簫大者無底小者有底○釋名云簫肅也其聲肅肅而清
○周禮小師掌教簫瞽矇掌播簫笙師掌教吹簫○書曰簫韶九成
○禮記仲夏命樂師均管簫○易通外驗云夏至之樂以簫簫亦管
似鳳翼鳳火俞也火○白虎通云簫者中呂之氣○風俗通云舜作
數七夏時火用事簫形參差象鳳翼十管長一尺○通禮義纂云伏羲作簫十六管○

月令章句云。簫長則濁。短則清。以膈蜜實其底而增減之。則和。○三禮圖云。雅簫長尺四寸。二十四竽。竽。駢。丘反。頌簫長尺二寸。十六竽。無底者謂之洞簫。

潛篇

潛

釋器云。溇謂之溇。李巡曰。今以木投水中養魚曰溇。孫炎曰。積柴養魚曰溇。郭璞曰。今之作溇者。聚積柴木于水中。魚得寒入其裏藏隱。因以溇圍捕取之。○小爾雅云。魚之所息謂之櫓。溇也。○韓詩曰。溇魚池。溇。音義。同字。林作界。

鯨

爾雅云。鯨。鯨作黑鯨。鯨音茲。郭云。卽白鯨。江東呼爲鱸者。○埤雅云。鯨

形纖長而白。故曰白鯨。又謂白儵。釋魚鯢。黑鯢是也。此魚好游水上。故莊子稱儵魚出游從容。以爲魚樂。明遂其性也。

雝篇

祀

序云。雝。禘太祖也。箋云。禘大祭也。大于四時。而小于祫。太祖謂文王。玄鳥序云。祀高宗也。箋云。祀當爲祫。高宗崩。始合祭于契廟。歌是詩焉。古者君喪三年既畢。禘于其廟。而後祫祭于太祖。明年春。禘于羣廟。自此之後。五年而再殷祭。一禘一祫。春秋謂之大事。長發序云。太禘也。箋云。大禘。郊祭天也。

載見篇

鈴

釋天云。有鈴曰旂。李巡曰。以鈴著旒端。郭璞曰。縣鈴于竿頭。畫交龍于旒。○左傳云。錫鸞和鈴。昭其聲也。鈴在旒

有客篇

白馬

傳云。殷尚白。○檀弓云。殷人尚白。戎事乘翰。以堯丑之月為正。物牙色白。翰。白色馬也。易曰。

翰如。明堂位云。夏后氏駱馬黑鬣。殷人白馬黑首。周人黃馬蕃鬣。

訪落篇

家

箋云。厥家。謂羣臣。○臯陶謨云。日宣三德。夙夜浚明有家。卿大夫稱家。疏

云。大夫受采邑。賜氏族。立宗廟。世不絕祀。故稱家。

小豸篇

蜂

爾雅云。土蠶。木蠶。疏云。此辨蠶在土木之異也。說文云。蠶。飛蟲。螫人者。其形大。在地中作房。而啖其子者。名土蠶。又名馬蠶。今荆巴間呼為蠶。其形差小。在樹上作房者。名木蠶。亦食其子。又云。蠶醜。螫。音疏云。蠶類好垂其腴以伏息。說文云。螫。垂腴也。腴。即腹下也。○援神契云。蜂。蠶垂芒。○方言云。蜂。燕趙間謂之蠶。蠶其大而蜜。謂之壺蜂。○化書曰。蜂有君禮。○埤雅云。蜂有兩衙。應潮。其主之所在。眾蜂為之旋繞如衛。有君臣之義。其毒在尾。垂穎如鋒。故謂之蜂。方言曰。大而蜜。謂之壺蜂。即今黑蜂。黃蜂亦其一種。無蜜。織長。其窠仰綴于屋。衙。漆以固其蒂。陰陽在尾。喜合。末端有岐者。牝。銳者。牡也。

蓼

爾雅云。蕎。虞蓼。疏云。卽蓼之生水澤者。頌云。以薺茶蓼。毛傳云。蓼水草是也。○禮記云。膾秋用蓼。濡濡音而豚包苦。濡雞醢醬。濡魚卵醬。濡鼈醢醬。實蓼。鶉羹。雞羹。鴛。釀之蓼。○蜀本圖經云。蓼有紫赤青馬水香木等七種。紫赤二蓼。葉小狹而厚。青香二蓼。葉相似而俱薄。馬水二蓼。葉大。上有黑點。木蓼。一名天蓼。蔓生。葉似柘葉。諸蓼花皆紅白。子皆赤黑。木蓼花黃白。子皮青滑。○埤雅云。蓼生水澤者。莖赤味辛。一名薺。離騷曰。蓼蟲不能从乎葵藿。則葵藿甘而蓼苦故也。○朱傳云。今南方人謂蓼爲辣茶。或用以毒溪取魚。

載芟篇

吟

遂人云。十夫有溝。溝上有吟。○孔氏云。吟是地畔道路之名。

良耜篇

茶

釋艸云。荼。委葉。疏。王肅說詩云。茶。陸穡艸。然則荼者原田蕪穢之艸。非苦菜也。按茶。蓼二州也。蓋由田有原。有隰。故並舉水陸穡艸。朱傳云。一物有水陸之異。恐未然也。

櫛

說文曰。櫛。梳篦總名。○曲禮云。男女不同巾櫛。玉藻云。櫛用櫛櫛。髮

百室

箋云。百室。一族也。出共洫間而耕。入共族中而居。又有祭醮醮音合醮之歡。疏云。鄉族。於遂則鄰。○大司徒云。五家爲比。五比爲閭。四閭爲族。族師云。各掌其族之戒令政事。月吉。則屬民而讀邦瀆。書其孝

弟睦嫻有學者。春秋祭脯亦如之。醑者。為人物裁害之神。族長無飲。酒之禮。因祭脯。與其民以長幼相。遂人云。五家為鄰。五鄰為里。四里為鄩。又云。百夫有洫。鄩長各掌其鄩之政令。歲時簡器。與有司數之。趨其耕耨。稽其女功。

絲衣篇

絲衣

朱傳云。絲衣。祭服。弁。爵弁也。士祭于王之服。○箋云。釋禮輕。使士。○士冠禮。爵弁服。纁裳純衣。緇帶鞅鞞。純衣。絲衣也。○雜記云。大夫冕而祭於公。弁而祭於已。士弁而祭於公。冠而祭於已。

按周禮。正祭。視滌濯。逆齊省饌。告時。告備。皆使小宗。伯。此釋祭輕。故使士耳。朱傳。汎言祭而飲酒。非也。朱傳及箋所云。禮之次。俱準特牲為文。

基

箋云。門塾之基。疏云。釋禮在門不在廟。知基是門塾之基。謂廟門外西夾之堂基。○釋宮云。門側之堂謂之塾。孫炎曰。夾門堂也。○儀禮圖云。塾有內外。西塾。門外。西堂是也。

爾雅

爾雅云。鼎絕大謂之鬴。鬲。鬲。上謂之彝。附耳外謂之鉞。欵足者謂之鬲。鬲。鬲。欵。上而小口。鉞。鬲耳在表。鬲。鬲。曲脚。○說文云。二尺兩耳。和五味之寶器也。昔禹叔九牧之金。鑄鬲荆山之下。○魯詩說云。彝。小鬲。○周易。鼎卦。象曰。鼎。象也。以木與火。亨飪也。九四曰。鼎折足。覆公餗。六五曰。鼎黃耳。金鉞。上九曰。鼎玉鉞。○禮書云。士虞有上中下鼎。有司徹。司馬舉羊。司士舉豕。魚。天子諸侯有牛。大夫羊。士豕。魚而已。膳夫。王日一舉。鼎十二。掌客。諸侯之禮。鼎皆十二。聘禮。賓之殮饗。皆飪一牢。鼎

九而殮腥一牢。鼎七。饗腥二牢。鼎二七。上介殮饗皆飪一牢。鼎七。而饗腥一牢。鼎七。衆介殮少牢。飪鼎五。大夫少牢五鼎。士特牲喪禮三鼎。既夕五鼎。掌客聘禮。諸侯與卿之鼎。過王之數。士既夕鼎。過于特牲。何也。聘禮。陳鼎也。王之日舉。食鼎也。特牲庸禮也。既夕。斯須禮也。然所謂陪鼎。羞鼎。皆釧鼎。所以實羹者也。王日食九鼎。而陪鼎三公。食大夫七鼎。而釧鼎四。掌客。上公釧四十二。侯伯二十八。子男十八。聘禮之賓。上介。殮饗之羞鼎。皆三。少牢。佐食。設羊釧豕釧。特牲。王婦設兩釧。公食大夫之釧。多于王日食者。以公食者衆也。聘介之釧。同于賓者。以二鼎。殺故也。周禮。亨人。掌共鼎鑊。以給水火之齊。然則牲禮皆亨于鑊。然後肉香之鼎。而羹納于釧。公食大夫禮。甸人陳鼎。設肩。冪若束若編。考工記曰。廟門容大肩七。閭門容小肩三个。鄭氏

明牛鼎。肩長三尺。臑鼎。肩長二尺。肩謂之鉉。易稱玉鉉。金鉉。以橫木貫耳而舉之。金玉其飾也。冪。茅為之。長者束本短者編中。陳鼎必于門外舉之。去冪然後入。既入。抽肩。然後加七。○三禮圖云。天子之鼎。飾以黃金。諸侯飾以金。容一斛。大夫羊鼎。飾以銅。容五斗。士豕鼎。飾以鐵。容三斗。牛羊豕鼎。各狀其首于足上。

服篇

墮

爾雅云。墮。巒山。謂山形長狹者。荆州謂之岵。○孔氏曰。山之小者。墮。墮然。言狹長之意。

翁河

箋云。河自大陸北。數為九。祭者合為一。○禹貢兗州云。九河既道。又

十七卷 禮記 禮記 禮記 翁河

云河北過降水。至于大陸。又北播爲九河。同爲逆河入于海。○爾雅云。徒駭。太史。馬頰。覆繡。胡蘓。簡。絮。鈎盤。鬲津。九河。○春秋保乾圖云。移河爲界在齊。呂。填。闕。八流以自廣。○命曆序云。人皇九頭。提羽蓋。乘雲車。出陽谷。分九河。○酈道元云。九河碣石苞淪于海。○蔡傳云。九河六曰簡潔。其一則河之經流也。先儒不知河之經流。遂分簡絮爲二。○苑洛語錄云。九河故道。今永平府撫寧縣碣石山。與諸家所載碣石之狀合。則九河在滄平間。海之灣。永平謂之南海。此或逆河。今河徙而洋存。山東通志。馬頰在商河。覆繡在海豐。鈎盤在德平。鬲津在樂陵。徒駭在齊河。皆濟南府所屬。今真定府三百里。方是濟南北境。真定去濟南東西六百餘里。古河自泮水直趨而北。至大陸。皆真定地。又北播爲九河。固永平河間地也。不應河至大陸折而東。反

迴流而南。以至濟南之境。滄州古志。徒駭在滄州廢清池縣。太史簡潔在本州南皮縣。馬頰在景州東光縣。胡蘓鬲津在滄州慶雲縣。鈎盤在獻縣。此九河相去不遠。又與黃河故道相近。此古志得之土人。可徵也。河雖爲冀充之界。然交地下。九河之分皆在交。故于交言之。○一統志。直隸河間府。九河故道。舊志云云。此蓋後世新河。傳以舊名。今亦湮塞。同苑洛語錄濟南府云。鬲津枯河。自齊河縣。經禹城平原德州德平樂陵。東北至海豐入海。鈎盤枯河。自德州經德平。東北至陽信縣。又有覆繡枯河。自慶雲經海豐縣。南入海。又濟陽縣東北。至商河縣境。有馬頰枯河。東昌府有馬頰河故道。

何樂其有馬賦詩何東昌林有馬賦何姑蘇
計樂又有翼編林何自慶雲登或豐樂南人或又齊則樂東此至商
州樂平樂刻東此至或豐人或或盤林何自樂州登或平東此至則
各今亦野塞詰樂齊南和云扁車林何自齊何樂登禹越平則
○一錄志直隸何間林何姑蘇舊志云云此蓋對世祿何曹以書
何樂也何樂為其充之界然交此下何之各皆并交姑于交言之
盤五爛樂此何何去不表又與黃何姑蘇賦或此古志得之土人
樂并本州南史樂馬賦并景州東史樂貼蘇羅車并會州樂雲樂
賦而而南以至齊南之會州古志表樂并會州樂雲樂太史簡

詩經考卷之十八

古閩 黃文煥 維章甫 輯著
商 梅 孟和甫 校閱

魯頌

駟篇

桐

傳云。桐。遠野也。林外曰桐。箋云。必牧於駟野者。避民居與良田。○釋
地云。邑外謂之郊。郊外謂之牧。牧外謂之野。野外謂之林。林外謂之
桐。孫炎曰。邑國都也。設百里之國。五者之界。界各十里。○郡縣志。桐
澤。俗名連泉澤。在交州曲阜縣東九里。魯僖公牧馬之地。

駟

釋畜云。驪馬白跨。驪。孫炎曰。驪。黑色白跨。股脚白。郭璞曰。跨。髀間也。

魯僖公

魯僖公名申。莊公之子。閔公之兄。母成風也。初慶父弑閔公。季友以僖公適邾。慶父奔莒。乃入立之。僖公元年秋。楚伐鄭。僖公會諸侯于檉。以謀救鄭公。敗邾師于偃。冬。公子友帥師敗莒師于鄆。獲莒挈公。命季友為卿。賜以汶陽之田。及費邑。二年冬十月不雨。三年春夏不雨。魯人驚懼。於是僖公憂。閔玄服避舍。躬節儉。緇女謁。下鐘鼓之懸。休繕治之官。釋更徭之逋。罷軍寇之誅。去苛刻峻文。慘毒之教。所蠲浮令四十五事。放讒佞。郭都之等十三人。誅頌人之吏。受貨賂。趙侃九人等。率群臣禱山川。以六過自讓。曰。辜在寡人。方今大旱。野無生稼。寡人當死。百姓何罪。不敢煩人請命。願撫萬人。害。以身塞無狀。禱

已。退舍于郊。天立大雨。徐人取郟。四年春。僖公從齊桓公。侵蔡。蔡潰。遂伐楚。次于陘。夏。楚屈完來盟于師。盟于召陵。秋。伐陳。五年夏。僖公會諸侯于首止。六年夏。伐鄭。七年夏。小邾子來朝。秋。僖公及諸侯盟于甯母。八年春。僖公會諸侯盟于洮。九年夏。僖公會諸侯于葵丘。秋。晉獻公卒。里克殺奚齊。卓子。齊桓公率僖公討晉亂。至高梁而還。立惠公。十年春。僖公如齊。十一年夏。僖公會齊桓公于陽穀。秋。大雩。十二年。淮夷病杞。夏。僖公會諸侯于鹹。以謀杞。十四年夏。鄆子來朝。十五年春。僖公如齊。楚人伐徐。公會諸侯盟于牡丘。以救徐。公孫敖帥師及諸侯之大夫救徐。十六年春。季友卒。自是季氏世為卿。淮夷病。鄆。冬。僖公會諸侯于進。以謀鄆。十七年夏。季孫臧。項齊人執公子會。既而釋之。冬。齊桓公卒。十八年春。宋伐齊。納孝公。夏。師救齊。十九年

冬。僖公會諸侯盟于齊。以脩齊桓公之好。二十年春。新作南門。夏。郟子來朝。二十一年夏。大旱。公欲焚巫尪。臧文仲曰。非旱備也。脩城郭。貶食省用。務穡勸分。此其務也。巫尪何爲。天欲殺之。則如勿生。若能爲旱。焚之。滋甚。公從之。是歲也。飢而不害。冬。邾人滅須句。須句子來奔。公伐邾。二十二年春。公伐邾。取須句。反其君焉。邾人以須句故。出師。公卑邾。不設備而禦之。臧文仲曰。國無小不可易也。無備雖衆。不可恃也。詩曰。戰戰兢兢。如臨深淵。如履薄冰。又曰。敬之敬之。天惟顯思。命不易哉。先王之明德。猶無不難也。無不懼也。况我小國乎。君其無謂邾小。蜂蠆有毒。而况國乎。弗聽。八月。公及邾師戰于井陘。魯師敗績。邾人獲公首。慶盟于洮。二十六年春。公會莒子衛。甯速盟于向。齊人會衛成公。首慶盟于洮。二十六年春。公會莒子衛。甯速盟于向。齊人

侵魯西鄙。公追齊師至鄆。弗及。夏。齊孝公伐魯北鄙。公使展喜犒師。使受命于展禽。齊侯未入境。展喜從之。曰。寡君聞君親舉玉趾。將辱于敝邑。使下臣犒執事。齊侯曰。魯人恐乎。對曰。小人恐矣。君子則否。齊侯曰。室如懸磬。野無青草。何恃而不恐。對曰。恃先王之命。昔周公太公。股肱周室。夾輔成王。成王勞之而賜之盟。曰。世世子孫。無相害也。載在盟府。太師職之。桓公是以糾合諸侯。而謀其不協。彌縫其闕。而匡救其災。昭舊職也。及君即位。諸侯之望。曰。其率祖之功。我敝邑用不敢保聚。曰。豈其嗣世。九年而棄命廢職。其若先君何。君必不然。恃此以不恐。齊侯乃還。冬。公以楚師伐齊。取穀。二十七年春。杞桓公來朝。不恭。公卑之。秋。公子遂帥師入杞。冬。楚成玉率諸侯圍宋。公及諸侯盟于宋。二十八年春。晉侯入曹。執曹共公。班其所取。侵地于諸

言紀末
魯公
三
侯。夏。晉侯敗楚師于城濮。冬。晉人執衛成公歸于周。公會諸侯圍許。二十九年春。介葛盧來。夏。公會諸侯之大夫盟于翟泉。初。晉人使醫鳩衛成公不死。醫亦不誅。三十年。臧文仲言於公曰。夫衛君殆無罪矣。刑五而已。無有隱者。隱乃諱也。大刑用甲兵。其次用斧鉞。中刑用刀鋸。其次用鑽笮。薄刑用鞭朴。以威民也。故大者陳之原野。小者致之市朝。五刑三次。是無隱也。今晉人鳩衛侯不死。亦不討其使者。諱而惡殺之也。有諸侯之請必免之。臣聞之。班相恤也。故能有親。夫諸侯之患。諸侯恤之。所以訓民也。君盍請衛君以示親於諸侯。且以動晉。夫晉新得諸侯使。亦曰。魯不棄其親。其亦不可以惡。公悅。行玉。二十穀。晉乃免衛侯。自是晉聘於魯。加於諸侯一等。冬。周襄王使周公閱來聘。享有昌。獸曰黑形。鹽辭曰。國君文足昭也。武可畏也。則有備

物之享。以象其德。薦五味。羞嘉穀。摠虎形。以獻其功。吾何以堪之。二十一年春。晉文公解曹地以分諸侯。公使臧文仲往宿於重館。重館人謂文仲速行從之。獲地於諸侯。爲多反。旣復命。爲之請曰。地之多也。重館人之力也。臣聞之曰。善有章。雖賤賞也。惡有釁。雖貴罰也。今一言而辟境。其章大矣。請賞之。乃出而爵之。夏四月。四卜。郊不從。乃免牲。猶三望。二十二年冬。晉文公卒。二十三年春。齊國莊子來聘。自郊勞。至于贈賄。禮成而加之以敏。臧文仲言於公曰。國子爲政。齊猶有禮。君其朝焉。臣聞之。服於有禮。社稷之衛也。夏。公伐邾。取訾婁。以報升陘之役。冬。公如齊。十二月。僖公薨。子文公立。

季文子

季文子。名行父。季友之孫。魯之卿也。初。僖公能遵伯禽之法。儉以足

用。寬以愛民。務農重穀。魯人尊之。文公時。行父請命于周。而史克作
駟諸頌以美之。文公六年夏。文子聘于陳。且娶焉。秋。聘于晉。求遭喪
之禮。以行其人。曰。將焉用之。文子曰。備預不虞。古之善教也。求而無
之。實難過。求何害。十二年冬。行父帥師城諸及鄆。十三年冬。公請平
于晉。還。鄭伯宴公于棊子家。賦鴻鴈。文子曰。寡君未免於此。賦四月
于家。賦載馳之四章。文子賦采芣之四章。十五年春。文子如晉。秋。齊
人侵魯西鄙。文子告于晉。冬。晉會諸侯于扈。將謀伐齊。齊人賂晉侯。
故不克而還齊。是以復侵魯西鄙。遂伐曹。入其郛。討其朝于魯也。文
子曰。齊侯其不免乎。已則無禮而討於有禮者。曰。汝何故行禮。禮以
順天。天之道也。已則反天。而又以討人。難以免矣。詩曰。胡不相畏。不
畏于天。君子之不虐幼賤。畏乎天也。周頌曰。畏天之威。于時保之。不

畏于天。將何能保。以亂取國。奉禮以守。猶懼不終。多行無禮。弗能在
矣。次年及齊。平公有疾。使文子會齊侯于陽谷。請盟。齊侯不肯。曰。請
侯君間。文公卒。仲遂以敬嬴之屬殺太子赤。及公子視。而立宣公。時
莒太子僕弒紀公。以其寶王奔魯。宣公命與之邑。曰。今日必授文子。
使司寇出諸境。曰。今日必達。公問其故。文子使太史克對曰。夫莒僕
其人則盜賊也。其器則姦兆也。是以去之。未幾。宣公懼齊見討。行父
遂如齊。以濟西之田賂之。以請會。齊侯許之。於是與公會于平州。八
年。仲遂卒。子歸父貴而有寵。十年。文子聘于齊。十八年冬。宣公卒。行
父言於朝曰。使我殺嫡以失大援者。仲也。遂逐歸父。出奔齊。成公嗣
立。行父懼。齊人問逐歸父之故。於是作丘甲。又使臧孫許及晉侯盟
于赤棘。以脩齊。冬。行父聘于齊。時晉卻克衛孫良夫曹公子首咸在

言德者
五
焉。行父禿卻克。眇良夫。跛公子。晉。僂蕭。同叔子。處臺上而笑之。皆怒。
二年行父會晉卻克。衛孫良夫。曹公子。晉。及齊侯戰于鞍。齊師敗績。
遂及國。佐盟于袤。使齊人歸魯汶陽之田。四年夏。相公如晉。晉侯
見公不敬。文子曰。晉侯必不勉。詩曰。敬之敬之。天維顯思。命不易哉。
夫晉侯之命在諸侯矣。可不敬乎。公歸欲叛晉而從楚。文子曰。不可。
晉雖無道。未可叛也。國大臣睦。而邇於我。諸侯聽焉。未可以二。史佚
之志有之曰。非我族類。其心必異。楚雖大。非吾族也。其肯字我乎。公
乃止。六年文子以鞍之功立武宮。七年春。吳伐郟。郟成。文子曰。中國
不振。旅蠻夷入伐。而莫之或恤。無弔者也。夫詩曰。不弔吳天。亂靡有
定。其此之謂乎。有上不弔。誰不受亂。吾亡無日矣。八年春。晉侯使
韓穿來言汶陽之田歸之于齊。文子餞之。私曰。大國制義以爲盟主。

是以諸侯懷德畏討。無有二心。謂汶陽之田。敝邑之舊也。而用師于
齊。使歸諸敝邑。今有二命。田歸諸齊。信以行義。義以成命。小國所望
而懷也。信不可知。義無所立。四方諸侯。其誰不解體。詩曰。女也不爽。
士二三其行。士也。罔極。二三其德。七年之中。一與一奪。二三孰甚焉。士
之二三。猶喪配耦。而况霸王。霸王將德。是以而二三之。其何以長有
諸侯乎。詩曰。猶之未遠。是用大諫。行父懼晉之不遠。猶而失諸侯也。
是以敢私言之。冬。晉士燮來聘。言伐郟。公賄之。請緩師。士燮不可曰。
君命無二。失信不立。禮無加貨。事無二成。君後諸侯。是寡君不得事
君也。燮將復之。行父懼。遂使宣伯帥師以從之。九年春。爲歸汶陽之
田。故諸侯二于晉。晉人懼。會于蒲。以尋馬陵之盟。文子謂范文子曰。
德則不競。尋盟何爲。夏。文子如永。致女復命。公享之。賦韓奕之五章。

言經考
魯公
穆姜出于房再拜曰。大夫勤辱。不忘先君以及嗣君。施及未亡人。先君猶有望也。敢拜大夫之重勤。又賦綠衣之卒章而入。十一年夏。文子如晉。十六年。晉伐鄭。楚救鄭。公將會宣伯通于穆姜。欲去季孟而取其室。將行。穆姜送公而使逐二子。公以晉難告曰。請反而聽命。姜怒。公子偃。公子鉏。趙過。指之曰。汝不可。是皆君也。公待於壞墮。申宮。傲。脩。設守而後行。是以不及晉楚之戰。期宣伯賂卻孺而訴公于晉。侯。沙。隨之會。晉侯不見公。七月。公會諸侯伐鄭。將行。宣伯使告卻孺曰。魯之有季孟。猶晉之有欒范也。政令於是乎成。今其謀曰。晉政多門。不可從也。寧事齊楚。有亡而已。蔑從晉矣。君欲得志于魯。請止行。父而殺之。我斃蔑也。而事晉蔑有二矣。魯不二。小國必睦。不然。歸必叛矣。九月。晉人執父子于若丘。公還待于鄆。使子叔聲伯請季孫于

晉卻孺曰。苟去仲孫蔑。而止季孫行父。吾於子國親於公室。對曰。僑如之情。子必聞之矣。若去蔑與行父。是大棄魯國。而罪寡君也。若猶不棄。而惠徼周公之福。使寡君得事晉君。則夫二人者。魯國社稷之臣也。若朝亡之。魯必夕亡之。以魯之密邇仇讐。亡而爲讐。治之何及。范文子謂欒武子曰。季孫於魯相二君矣。妾不衣帛。馬不食粟。可不謂忠乎。信纔慝而棄忠良。若諸侯何。乃許魯平赦季孫。十八年冬。晉士魴來乞師。季文子問師數於臧武仲。對曰。伐鄭之後。智伯實來下軍之佐也。今虢季亦佐下軍。如伐鄭可也。事大國無失班爵。而加敬焉。禮也。從之。襄公二年夏。齊姜薨。初。穆姜使擇美楨。以自爲櫬。與頌琴。文子取以葬。四年秋。定妣薨。不殯於廟。無襯。不虞。匠慶謂文子曰。子爲正卿。而小君之喪。不成不終。君也。君長。誰受其咎。初。文子爲已

樹六櫃于蒲圃東門之外。匠慶請之。季孫曰。畧匠慶用之。季孫不御。五年冬。文子卒。大夫入斂。襄公在位。宰庀家器爲葬備。無衣帛之妾。無食粟之馬。無藏金玉。無重器備。君子是以知文子之忠於公室也。相三君矣。而無私積。可不謂忠乎。

史克

史克。一曰里革。魯太史也。魯僖公能遵伯禽之法。儉以足用。寬以愛民。務農重穀。魯人尊之。於是太夫季孫行父請命于周。而史克作駟諸詩以頌僖公。宣公初立。莒太子僕弒紀公。以其寶玉來奔。納諸宣公。公命與之邑。曰。今日必授季文子。使司寇出諸境。曰。今日必達。公。公問其故。季文子使克對曰。先大人臧文仲。教行父事君之禮。行父奉以周旋。弗敢失墜。曰。見有禮於其君者。事之如孝子之養父母也。

見無禮於其君者。誅之。如鷹鷂之逐鳥雀也。先君周公制周禮曰。則以觀德。德以處事。事以度功。功以食民。作誓命曰。毀則爲賊。掩賊爲藏。竊賄爲盜。盜器爲姦。主藏之名。賴姦之用。爲大凶德。有常無赦。在九刑不忘。行父還觀莒僕政可則也。孝敬忠信爲吉德。盜賊藏奸爲凶德。夫莒僕則其孝敬。則弒君父矣。則其忠信。則竊寶玉矣。其人則盜賊也。其器則奸兆也。保而利之。則主藏也。以訓則昏。民無則焉。不度於善。而皆在於凶德。是以去之。昔高陽氏有才子八人。蒼舒。隤。穀。禱。戴。大臨。龍降。庭堅。仲容。叔達。齊望。厲淵。明允。篤誠。天下之民。謂之八愷。高辛氏有才子八人。伯奮。仲堪。叔獻。季仲。伯虎。仲熊。叔豹。季狸。忠肅共懿。宣慈惠和。天下之民。謂之八元。此十六族也。世濟其美。不隕其名。以至於堯。堯不能舉。舜臣堯。舉八愷。使主后土。以揆百事。莫

言紀者
不時序。地平天成。舉八元使布五教于四方。父義母慈。兄友弟恭。子
孝內平外成。昔帝鴻氏有不才子。掩義隱賊。好行凶德。醜類惡物。頑
嚚不友。是與比周。天下之民。謂之渾敦。少皞氏有不才子。毀信廢忠。
崇飾惡言。靖譖庸回。服讒蒐慝。以誣盛德。天下之民。謂之窮奇。顓頊
氏有不才子。不可教訓。不知話言。告之則頑。舍之則嚚。傲狠明德。以
亂天常。天下之民。謂之檇杌。此三族也。世濟其凶。增其惡名。以至于
堯。堯不能去。緇雲氏有不才子。貪于飲食。冒于貨賄。侵欲崇侈。不可
盈厭。聚斂積實。不知紀極。不分孤寡。不恤窮匱。天下之民。以比三凶。
謂之饕餮。舜臣堯。賓于四門。流四凶族。渾敦窮奇。檇杌饕餮。投諸四
裔。以禦魑魅。是以堯崩。而天下如一。同心戴舜。以爲天子。以其舉十
六相。去四凶也。故虞書數舜之功曰。慎徽五典。五典克從。無違教也。

日納于百揆。百揆時序。無廢事也。曰。賓于四門。四門穆穆。無凶人也。
舜有大功。二十而爲天子。今行父雖未獲一吉人。去一凶矣。於舜之
功。二十之一也。庶幾免於戾乎。宣公夏。濫於泗淵。里革斷其罟而棄
之。曰。古者大寒。降土螿發水虞。於是乎講罟罾。取名魚。登川禽。而嘗
之。寢廟行。諸國人助宣氣也。鳥獸孕水虫。成獸虞。於是乎禁罝羅。藉
魚鼈。以爲夏槁。助生阜也。鳥獸成水虫。孕水虞。於是乎禁罝羅。設罝
鄂。以實廟庖。畜功用也。且夫山不槎蘖。澤不伐大魚。禁鯢鮪。獸長麕
麋。鳥翼。穀卵。虫舍蟣。蠖。蕃庶物也。古之訓也。今魚方別孕。不教魚長。
又行網罟。貪無執也。公聞之。曰。吾過而里革匡我。不亦善乎。是良罟
也。爲我得法。使有司藏之。使吾無忘諗。師存侍。曰。藏罟不如寘里革
於側之不忘也。晉人殺厲公。邊人以告。成公在朝。公曰。臣弑其君。誰

之過也。大夫莫對。里革曰。君之過也。夫君人者。其威大矣。失位而至於弑。其過多矣。且夫君也者。將牧民而正其邪者也。若君縱私而棄民事。民旁有慝。無由省之。益邪多矣。若以邪臨民。陷而不振。用善不肯專。則不能使至於殄滅。而莫之恤也。將安用之。桀奔南巢。紂踏于京。厲汜于彘。幽滅于戲。皆是術也。夫君也者。民之川澤也。行而從之美惡。皆君之由。民何能為焉。

騅

釋畜云。蒼白雜毛。騅。郭璞曰。卽今騅馬。疏云。蒼。淺青也。毛有淺青及白。兼雜毛者名騅。○說文云。騅。馬蒼黑雜毛。

駮

釋畜云。黃白雜毛。駮。郭璞曰。今之桃華馬。疏云。毛色黃白。而復有雜

毛者名駮。○孔氏云。騅駮二者。皆云雜毛。是體有二種之色相間雜。上云黃白曰皇。黃駮曰黃。止是一毛色之中。自有淺深。與此一色者異。○說文云。駮。黃馬白毛。

駮

毛傳云。赤黃曰駮。疏。駮為純赤色。上云黃駮曰黃。謂黃而微赤。此云赤黃曰駮。謂赤而微黃。

騊

說文云。青驪白鱗。文如鼉魚。○釋畜云。青驪。騊。孫炎曰。色有淺深。似魚鱗也。郭璞曰。色有淺深。班剝隱粼。今之連錢驄。○韓詩傳云。騊。白馬黑髦。

雜

毛傳云。黑身白鬣曰雜。

駮

釋畜云。彤白雜毛。駮。郭璞曰。彤。赤也。即今赭白馬。邢昺曰。毛赤白兼雜毛者名駮。○說文曰。馬赤白雜毛。色似鰕魚也。

驪

傳云。豪骿白。驪。疏云。說文。骿。骹也。郭璞曰。骿。脚脛。釋畜云。四骹皆白。驪。無豪骿白之名。傳言豪骿白者。蓋謂豪毛在骿而白長。名為驪。驪則四骹雜白而毛短。故與驪異。○說文云。驪。驪馬黃脊。脊脊同。

魚

釋畜云。一目白。驪。音。二目白魚。郭云。似魚目也。○雅翼曰。相馬之說曰。馬目欲得黃。又欲光而有紫艷。若小而多白則驚畏。驚畏馬之

大病。故其序尤在後。

有駮篇

駮

釋畜云。青驪。駮。孫炎曰。色青黑之間。郭云。今之鐵驪。

泮水篇

泮水

傳云。泮宮之水。箋云。泮之言半。半水者。蓋東西門。以南通水。北無也。天子諸侯宮異制。因形然。疏云。曾有四代之學。其行禮之。飲酒養老。兵事之受成告克。當於周世之學。在泮宮也。○朱子曰。說文曰。泮宮。諸侯鄉射之宮。西南為水。東北為牆。康成以為東西門。其說不同。○王制云。天子命之教。然後為學。小學在公宮南之左。大學在郊。天子

曰辟廱。諸侯曰類。類音官。此大學小學。殷制。類禮。罷云。魯人將有事

於上帝。必先有事於類宮。類郊之學。詩所謂類宮。疏云。魯以小學為類宮。明堂

位云。米廩。有虞氏之庠也。序。夏后氏之序也。瞽宗。殷學也。類宮。周學

也。○白虎通云。諸侯曰類宮。半于天子宮也。明尊卑有差。所化少也。

半者象璜也。獨南面。禮儀之方有水。其餘壅之以垣。○水經注。靈光

殿之東南。即泮宮也。在高門直北道西。宮中有臺高八十尺。臺南水

東西百步。南北六十步。臺西水南北四百步。東西六十步。臺池咸結

石為之。詩所謂思樂泮水也。○一統志。泮水。一名雩水。源出曲阜縣

治西南。西流至兗州府城。東入泗水。詩思樂泮水。即此。魯泮宮池。在

曲阜宣聖廟東南。

菲

說文云。菲。鳧葵也。詩曰。言采其菲。力父切。○周禮。醢人。朝事之豆。菲

苴。麋。○釋文云。菲音卯。北人音柳。○干寶云。今之鰓。鰓音躄。躄音

鹿。艸。堪為菹。江東有之。○鄭小同云。江東人名之蕁菜。生陂澤中。○

陸機云。菲與苕菜相似。葉大如手。赤圓。有肥者。着手中滑不得停。莖

大如七柄。葉可生食。又可煮。滑美。江南人謂之蕁菜。或謂之水葵。諸

陂澤水中皆有。○何承天云。此菜出東海。堪為菹醬。○蜀本圖經云。

蕁生水中。葉似鳧葵。浮水上。採莖堪噉。花黃白。子紫色。三月至八月。

莖細如釵股。黃赤色。短長隨水深淺。名為絲蕁。九十月漸粗硬。十一

月萌在泥中。名塊蕁。體苦澀。惟取汁味。○唐本艸注云。塊蕁為羹。猶

勝雜菜。按本艸。鳧葵是苕菜。蕁別一物。合陸機鄭小同之說。觀之。菲是蕁耳。下實何承天之說。非也。或以為猪蕁。猪蕁即本草圖

經所謂塊蕁。又一名龜蕁。菲與苕本相似。故古人即謂之鳧葵。

飲酒

箋云。徵先生君子。與之行飲酒之禮。○儀禮鄉飲酒鄉射。皆云。息司正。羞唯所有。徵唯所欲。以告于先生君子可也。鄉樂唯欲。先生鄉大夫致仕者。君子有大德。行不仕者。

獻馘獻囚

箋云。馘所格者之左耳。囚所虜獲者。○馘說文作馘。云軍戰斷耳也。王制云。天子將出征。受成於學。出征執有罪。反釋奠於學。以訊馘告。受成。定兵謀也。釋菜奠幣。禮先師也。訊。馘所生獲斷耳者。疏云。訊是生者。馘是死而截耳者。

闕官篇

稷釋

傳云。先種曰稷。後種曰穉。○韓詩說云。稷。長稼也。穉。幼穉也。○說文

云。植。早種也。穉。幼禾。○正義云。重穆植穉。生熟早晚之共稱耳。非穀名。當為先種先熟。後種後熟。但傳畧不言其熟。

魯公

魯公名伯禽。周公元子也。周成王少。周公抗世子法於伯禽。欲令成王知君臣父子長幼之道。成王有過。則撻伯禽。所以示成王世子之道也。伯禽朝於成王。見於周公。三見而三笞之。伯禽問於商子曰。吾見於周公。三見三笞。何也。商子曰。南山之陽。有木名橋。比山之陰。有木名梓。子盍往觀之。於是伯禽如其言。而往觀焉。見橋木高而仰。見梓木卑而俯。反以告商子。商子曰。喬者。父道也。梓者。子道也。伯禽明日復見周公。入門而趨。登堂而跪。周公拂其首。勞而食之。曰。汝安見君子乎。伯禽以實對。公曰。君子哉。商子也。初周既定天下。偏封功臣。

封周公於魯。周公不即就封。留佐武王。武王崩。成王少。周公留相成王。王曰。叔父建爾元子。俾侯于魯。大啓爾宇爲周室輔。乃因商奄之民。命以伯禽。而封於少皞之墟。是爲魯公。周公拜乎前。魯公拜乎後。曰。生以養周公。死以爲周公主。成王分魯公以土田。陪敦祝宗。卜史。備物典策。官司彝器。大路大旂。夏后氏之璜。封父之繁。弱殷氏六族。條氏。徐氏。蕭氏。索氏。長勺氏。尾勺氏。使帥其宗氏。輯其分族。將其類。醜以法。則周公用。即命于周。是使之職事于魯。以昭周公之明德。成王召伯禽而告之曰。爾知爲人上之道乎。凡處位尊者。必以敬下。順德規諫。必開不諱之門。樽節安靜。以藉之諫者。勿振以威。無格其言。博采其辭。乃擇乃觀。夫有文無武。無以威下。有武無文。民畏不親。文武俱行。威德乃成。旣成威德。民親以服。清白上通。巧佞下塞。諫者得

進。忠信乃畜。伯禽再拜。受命而辭。伯禽將歸於魯。周公謂伯禽之傅曰。汝將行。盍志而子美德乎。對曰。其爲人也寬好。自用以慎。此三者。其美德也已。周公曰。嗚呼。以人惡爲美德乎。君子好以道德。故其民歸道。彼其寬也。出無辨矣。汝又美之。彼其好自用也。是所以窶小也。君子力如牛。不與牛爭力。走如馬。不與馬爭走。智如士。不與士爭智。彼爭者。均者之氣也。汝又美之。彼其慎也。是所以淺也。聞之曰。無越踰不見士。見士問曰。無乃不察乎。不聞即物。少至少。至少則淺。彼淺者。賤人之道也。汝又美之。吾語汝也。我文王之爲子。武王之爲弟。今王之爲叔父。吾於天下不賤矣。然而吾所執贊而見者。十人還贊而相見者。三十人。貌執之士者。百有餘人。欲言而請畢事者。千有餘人。於是吾僅得三士焉。以正吾身。以定天下。吾所以得三士者。亡於十

人與三十人中。乃在百人與千人之中。上士吾薄爲之貌。下士吾厚爲之貌。人皆以我爲越踰。好士然。故士至。士至而後見物。見物然後知其是非之所在。戒之哉。汝其以魯國驕人幾矣。夫仰祿之士。猶可言也。正身之士。不可驕也。彼正身之士。舍貴而爲賤。舍富而爲貧。舍佚而爲勞。顏色黎黑。而不失其所。是以天下之紀不息。文章不廢也。周公謂魯公曰。君子不弛其親。不使大臣。怨乎不以。故舊無大故。則不棄也。無求備於一人。伯禽之初受封之魯。三年而後報政。周公曰。何遲也。伯禽曰。變其俗。革其禮。喪三年然後除之。故遲。太公亦封於齊。五月而報政。周公曰。何疾也。曰。吾簡其君臣。禮從其俗。爲也。及後聞伯禽報政遲。乃歎曰。嗚呼。魯後世其比。而事齊矣。夫政不簡。不易民。不有近乎。易近民。民必歸之。伯禽即位之後。有管蔡等反也。

淮夷徐戎亦並興。反於是。伯禽率師伐之。於費作費誓。公曰。嗟。人無譁聽命。徂茲。淮夷徐戎並興。善穀乃甲冑。敵乃干。無敢不弔。備乃弓矢。鍛乃戈矛。礪乃鋒刃。無敢不善。今惟淫舍牝牛馬。杜乃獲。欵乃甯。無敢傷牝。牝之傷。汝則有常刑。馬牛其風。臣妾逋逃。勿敢越逐。抵復之我商賚。汝乃越逐不復。汝則有常刑。無敢寇攘。踰垣墻。竊馬牛。誘臣妾。汝則有常刑。甲戌我惟征。徐戎時乃稊糧。無敢不逮。汝則有大刑。魯人三郊三遂。時乃楨幹。甲戌我惟築。無敢不供。汝則有無餘刑。非殺魯人。三郊三遂。時乃芻芻。無敢不多。汝則有大刑。遂平徐戎。定魯。有民鬪于莘。魯公不能理。周公聞之。而憂。以書戒魯公曰。我先王之未造也。有狄之難。去邠邑岐。屢涉艱阻。及我文考。宣揚令德。以受休命。作邑西土。猶供侯職。汝伯考嗣休。奄有天下。恢祖宗之烈。耿光

言終考
被于民神。實汝文祖伯考之績也。鎬人曰：予輔之自汝封于魯邑。予夙夜憂懼，汝亦無怠厥德。以忝我先王。及汝文祖伯考，汝叔父在制，其封不遐，汝亦式之以無貽叔父戚。洛邑既營，遂荒鎬豐。予又受汝伯考之命，至于今不復。以汝有髦志，委汝以魯之社稷，以及其故舊人民，汝其念前言。今莘土之人不靖，舍其桑業，弛其禮讓，流言于國，無乃故舊不親，大臣不以求備于一人，以致是咎。予日念茲，若隕深淵，汝惟克勤，無怠以鎮綏莘土之人。予言不再，魯公因是以脩其禮讓，裕其桑業，故舊益親，大臣益遇薄刑而弛禁，信民而文俗，行之三年，而魯國化，山不崩，水不濫，周康王十六年，魯公卒。子考公立。

成風

成風，風姓。太皞伏羲之後，須句國之女，魯莊公之妾，僖公之母也。初

公子成季之將生也，桓公使卜，楚丘之父卜之曰：男也，其名曰友。在公之右，間于兩社，為公室輔。季氏亡，則魯不昌。既而莊公時，成風聞成季之繇而事之，而屬僖公焉。故閔公卒，成季立，僖公五年春，杞伯姬歸寧，成風八年秋，公禘于太廟，立成風為夫人。任宿須句，顓臾四國皆風姓。伏羲之後，實司太皞，與有濟之祀，以服事諸夏。僖公二十一年冬，邾人滅須句，須句子來奔，因成風也。成風為之言於公曰：崇明祀，保小寡，周禮也。蠻夷猾夏，周禍也。若封須句，是崇皞濟，而脩祀紓禍也。公因伐邾。二十二年春，公伐邾，取須句，反其君焉。文公四年冬十一月，成風薨。五年春正月，周襄王使榮叔來歸含且賵。二月，葬成風。襄王使昭公來會葬。九年冬，秦康公來歸成風之隧。君子謂成風以一女子，於須句之滅，雖造次發言，不捨周室，至周禍之

說則春秋二百四十二年之間諸侯皆不能知知之者成風一人而已其見不可及也詩云魯侯壽母此之謂也

聲姜

聲姜。一曰聖姜。齊之宗女。魯僖公之夫人。文公之母也。僖公十一年。夏。公及聲姜會齊桓公于陽穀。十六年冬。公會諸侯于淮。時公有諸侯之事未歸。十七年夏。季孫帥師。莒項齊人以為討。遂執公于會。秋。聲姜以公故會齊桓公于卞。為之請齊。乃釋公。三十三年冬。公薨于小寢。文公十六年夏。五月有蛇十七。自泉宮出入于魯國。如魯先君之數。秋八月辛未。聲姜薨。魯人以為妖。乃毀泉臺。十七年夏四月癸亥。葬聲姜。君子謂卞之會。聲姜能免魯侯。詩稱令妻。此之謂也。

奚斯

公子魚。字奚斯。魯大夫也。公子慶父弑閔公。走而之莒。莒人逐之。將出乎齊。齊人不納。却返舍于汶水之上。使奚斯入請。季子曰。公子不可以入。入則殺矣。奚斯不忍。反命于慶父。自南洙北面而哭。慶父聞之曰。嘻。此奚斯之聲也。諾。已曰。吾不得入矣。於是抗軫經而死。僖公常使奚斯上新姜嫫之廟。下治周公之宮。詩曰。徂來之松。新甫之栢。是斷是度。是尋是尺。松栢有鳥。路寢孔碩。新廟奕奕。奚斯所作。此之謂也。

魯山川

禹貢云海岱及淮惟徐州。淮沂其乂。蒙羽其藝。大野既豬。東原底平。○公羊傳云。三望者何。泰山河海。○爾雅。十藪。魯有大野。○一統志。兖州府。春秋時為魯國。有嶧山。鳧山。陪尾山。龜山。蒙山。濟河。泗水。洙

水。泮水。沂水。鉅野澤。羽山在登州府。

附庸

王制云。不能五十里者。不合於天子。附於諸侯曰附庸。天子之元士視附庸。不合謂不朝會也。小城曰附庸。以國事附於大國。未能以其各通。此商所因。夏商三等之制。明堂位云。封周公於曲阜。地方七百里。上公之封。方五百里。加魯以四等之附庸。九。開方之。○大司徒注云。凡諸侯為牧正帥長。及有德者。乃有附庸。得七百里。為有祿者。當取焉。公無附庸。侯附庸九同。伯附庸七同。子附庸五同。男附庸三同。進則取焉。退則歸焉。○玉海云。潁川。知國無駭入極。取郭。郭音專取郟。魯附庸國也。

楅衡

傳云。楅楅音福衡。設牛角以楅楅音通之也。○周禮封人。祭祀飾其牛牲。

設其楅衡。器其綏。司農云。楅衡所以楅持牛也。綏。著牛鼻繩。所以牽牛者。皆謂冬牲時。杜子春云。楅衡所以持牛。令不得抵觸人。玄謂楅設于角。衡設於鼻。如楸楸音加狀也。

白牡駢剛

公羊傳云。魯祭周公。何以為牲。周公用白牡。魯公用駢剛。群公不毛。何休云。白牡。殷牲也。周公死有王禮。燕不敢與文武同。不以夏黑牡者。燕改周當以夏避燕也。魯公諸侯不燕也。故從周制。○明堂位云。季夏六月。以禘禮祀周公於太廟。牲用白牡。又云。夏后氏牲用黑。殷白牡。周駢剛。○說文云。駢。特牛也。

犧尊

司尊彝云。春祠夏禴。朝踐用兩獻尊。其再獻用兩象尊。皆有鬯。鄭司

禮記考
禮器云犧尊疏布鬲禰杓此以素為貴也又云君西酌犧象夫人東酌鬯尊明堂位云以禘禮祀周公尊用犧象山罍又云秦有虞氏之尊也者殷尊也犧象周尊也○左傳云犧象不出門○鄭志云犧讀如沙刻畫鳳凰之象於尊其形婆娑然或有作獻字者齊人之聲誤耳○阮諶禮圖云犧尊飾以牛象尊飾以象於尊腹之上畫為牛象之形○王肅云太和中魯郡於地中得齊大夫子尾送女罍有犧尊以犧牛為尊然則象尊為象形

毛魚

封人云歌舞牲及毛魚之豚燔去其毛而炮○內則云炮取豚若特當作卦之剝之實棗於其腹中編萑以苴之塗之以謹當作塗炮之

塗皆乾擘之濯手以摩之去其鼈鼈音展為稻粉糝溲以為醢以付豚煎猪膏膏必滅之鉅鑊湯以小鼎臠脯於其中使其湯母滅鼎三日三夜母絕火而后調之以醢醢○說文豚小豕也

載

曲禮凡進食之禮左殺右載載切肉也殺在俎載在豆又云三飯主人延客食載然後辯載○說文載大臠也

大房

傳云半體之俎箋云玉飾俎也其制足間有橫下有柎似乎堂後有房然○明堂位云周以房俎○周語王公立飫則有房烝房大俎也詩云籩豆大房謂半解其體升之房也

千乘

明堂位云。封周公於曲阜。地方七百里。革車千乘。○坊記云。制國不過千乘。○論語。道千乘之國。馬融云。司馬法。六尺爲步。步百爲畝。畝百爲夫。夫三爲屋。屋三爲井。井十爲通。通十爲成。成出革車一乘。然則千乘之賦。其地千成。居地方三百一十六里有畸。唯公侯之封。乃能容之。雖大國之賦。亦不是過焉。包咸云。千乘者。百里之國也。古者井田。方里爲井。十井爲乘。百里之國。適千乘也。○孔氏云。千乘有七萬五千人。與下公徒三萬數不合者。天子六軍出六鄉。則諸侯三軍出三鄉。下云。徒三萬。自是鄉之所出。非此千乘之衆也。此軍千乘。自謂計地出兵。非彼三軍之事也。

胄

說文云。胄。兜鍪首鎧也。○易曰。離爲甲冑。○書曰。善穀乃甲冑。○禮

記曰。獻甲者執冑。甲冑則有不可犯之色。○周遷與服雜事曰。刺校者。校人之執刺兵者也。晉戴虎皮。傳云。蒙臯比以犯陳蔡。因是有虎皮冑焉。蜀隊戴貝冑。被犀角。此古制也。詩云。貝冑朱綬。謂以貝齒飾冑。朱纁綴之也。冑。挿以翟尾。垂以紅絮。朱纁之象也。

舒

疏云。楚之與國。○左傳文十一年。群舒叛楚。宣八年。楚滅舒蓼。成十七年。滅舒庸。襄十五年。滅舒鳩。○地里志。廬江郡舒縣。故舒國。龍舒縣。群舒之邑。○世本云。舒鮑偃姓國。○地里考云。春秋有舒。今廬州舒城縣。舒鳩。今無爲軍巢縣。舒蓼。在安豐縣。舒庸。東夷國。謂之群舒。皆偃姓。○一統志。直隸廬州府。春秋時屬舒。舒城縣。廬江縣。無爲州。巢縣。皆屬焉。安豐廢縣。在鳳陽府壽州境。

泰山

互見崧高篇嶽

公羊傳云。觸石而起。膚寸而合。不崇朝而雨天下者。唯泰山乎。○禮記云。因名山升中于天。而鳳凰降。龜龍假。疏云。此惟泰山爲之。餘嶽則否。○孝經諱云。封乎泰山。考績燔燎。禪乎梁甫。刻石紀號。○泰山記云。盤道屈曲而上。凡五十餘盤。經小天門。大天門。如從穴中視天。窻矣。自下至古封禪處。凡四十里。山頂西巖爲仙人石間。東巖爲介丘。黃河去泰山二百餘里。於祠所瞻。黃河如帶。若在山趾。○封禪記云。東山名曰日觀。日觀者。鷄一鳴時。見日始欲出。長三丈所。秦觀者。望見長安。吳觀者。望見會稽。周觀者。望見齊。西北有石室。壇以南有玉盤。中有玉龜。山南脅神泉飲之。極清美利人。

龜

水經注云。龜山在博縣一十五里。山北即龜陰之田。春秋定公十年。齊人來歸龜陰之田是也。○一統志。龜山在兗州府泗水縣東北五十里。春秋龜陰之田在其北。今屬泰安州。

蒙

書曰。蒙羽其藝。○地理志云。泰山蒙陰縣。蒙山在西南。有祠。顓臾國在蒙山下。○一統志。蒙山在兗州府沂州費縣西北七十里。居魯之東。一名東山。孟子所謂登東山而小魯是也。

大東

孔氏曰。僖公時。東方小國見於盟會。惟邾莒滕杞而已。○爾雅云。東至於泰。遠東至日所出爲太平。○一統志。兗州府鄒縣。周時邾國。青州府莒州。古莒子國。滕縣在兗州府。

鳧

郡縣志鳧山在兗州鄒縣東南三十八里。○一統志云鳧山在鄒縣西南五十里連魚臺縣界世傳伏羲畫卦於此土人呼其處為八卦山。○楊奐東游記云過泗水地頗高敞南望鳧嶧諸峰出沒於烟蕪雲樹之表。

釋

禹貢嶧陽孤桐。○地理志嶧山在魯國鄒縣北。○鄒山記曰鄒山古之嶧山也山下是鄒縣本邾國魯穆公改鄒山從邑變故謂鄒山。釋陽猶多桐樹。○水經注云鄒山所謂嶧山邾文公所遷京相璠曰釋邑依嶧山為名山東西二十里南北十三里高秀獨出積石相臨殆無土壤石間多孔穴洞達相通。○一統志嶧山在山東兗州府鄒縣

東南二十五里。史記秦始皇上鄒嶧山刻石頌德。

常

箋云常或作嘗在薛之旁。魯莊公築臺于薛是與六國時齊有孟嘗君食邑于薛。○曹氏曰漢地理志魯有薛縣而齊孟嘗君食邑于薛則嘗先當屬魯。○史記正義曰薛故城在徐州滕縣南四十四里。○一統志薛城在兗州府滕縣南四十里孟嘗君墓在縣南五十里。

許

箋云許許田魯朝宿之邑。○左傳隱八年鄭伯請以泰山之祊易許田。成王營王城有遷都之志故賜周公許田以爲魯朝宿之邑。鄭有助祭泰山湯沐之邑在被欲以祊易許田各從本國所近許田近許之田桓公元年。○公羊傳云許田魯朝宿之邑也。諸侯時朝乎天子天子之郊諸侯皆有朝宿之邑焉曷爲繫之許近許也。○括地志

許田在許州許昌縣南四十里。有魯城周公廟在其中。

庶士

周禮上士一千一百三十二人。中士四千五百三十六人。下士一萬九千二百九人。○王制云。諸侯之上大夫。卿。下大夫。上士。中士。下士。凡五等。○說苑伊尹云。列士所以參大夫也。○周書曰。胥子成人。能治上官謂之士。○白虎通云。士者事也。任事之稱。故傳曰。古今辨然否。謂之士。天子之士。獨稱元士。何士賤不得體君之尊。故加元以別諸侯之士。

徂來

郡縣志。徂來山。亦曰朮來山。○水經注。鄒山記曰。徂來山在兗州梁父。奉高博城三縣界。今猶有美松。亦曰龍竦之山。赤鄒樊崇保此山。

自號朮來三老。○一統志。徂來山在濟南府泰安州東南四十里。上有紫源池。玲瓏山。獨秀峯。天平東西三寨。下有白鶴灣。

新甫

後魏志。魯郡汶陽縣有新甫山。○通典。漢汶陽故城在兗州泗水縣東南。○九域志。襲慶府有新甫山。

尋尺

禮記云。古者以周尺八尺為步。今以周尺六尺四寸為步。按禮制。周為尺。蓋六國時多變亂法度。或言周尺八寸。步更為六尺四寸。○家語曰。布指知寸。布手知尺。○小爾雅云。四尺謂之仞。倍仞謂之尋。尋。舒兩肱也。倍尋謂之常。○前漢律歷志云。一黍之廣為一分。十分為寸。十寸為尺。十尺為丈。十丈為引。尺者。夔夔音約也。

桷

說文云。椽。椽也。桷也。椽。椽音老椽也。秦謂之椽。周謂之椽。魯謂之桷。○
 通俗文曰。屋加椽曰椽。○釋名云。桷。桷也。其形細而疏。桷也。或謂之
 椽。椽。傳也。相傳次而布列也。或謂之椽。在楹旁下列。哀哀然垂也。○
 莊二十四年。刻桓宮桷。穀梁云。禮天子之桷。斲之。斲之。加密石焉。諸
 侯之桷。斲之。斲之。大夫斲之。士斲本。刻桷非正也。

商頌

那篇

正考甫

正考甫。宋潛公之曾孫。孔子亦六世祖。宋大夫也。微子至于戴公。其
 謂禮樂廢壞。正考甫校商之名頌十二篇。于周之太師。以那為首。考

甫佐宋。武宣三公三命。茲益恭。故其廟之鼎銘云。一命而僂。再命
 而偃。三命而俯。循墻而走。亦莫余敢侮。釐於是。粥於是。以餉余口。其
 恭也。如且。考甫生孔父嘉。其後以孔為氏焉。

置

箋云。置。讀曰楹。楹。靴鼓者。為楹貫而樹之。○樂書曰。明堂位曰。殷楹
 鼓。周官。太僕。建路鼓于大寢之門外。儀禮。大射。建鼓在阼階西南。鼓
 則其所建楹也。是楹鼓為一楹而四稜焉。貫鼓於其端。猶四楹之桓
 圭也。莊子曰。負建鼓。建鼓可負。則以楹貫而置之矣。頌曰。置我鼓鼓
 是也。

客

禮記云。天子存二代之後。○史記云。舜子商鈞。有疆土以奉先祀。服

其服禮樂如之。以客見天子。天子弗臣。示弗敢專也。又云湯封夏之後。至周封於杞。○括地志云。宋州虞城縣。舜後所封。夏亭故城在汝州郊。郊音枯城縣東北五十四里。蓋夏后所封。○一統志。河南開封府歸德州虞城縣古虞國。禹封商均之地。南陽府汝州。隋唐之汝州也。

烈祖篇

湯

成湯名履。一名天乙。主癸之子。黃帝之後也。初契事唐。虞有功。封于商。賜姓子氏。契生昭明。昭明生相土。相土傳十一代。至主癸。主癸娶扶都。見白氣貫月。意感而以乙日生湯。故名天乙。湯豐下。銳上。胥而有髯。倨身而揚聲。長九尺。有聖德。自契至湯八遷。始居亳。湯為夏方伯。得專征伐。湯聘處士伊尹。任以國政。湯進伊尹于桀。桀不能用尹。

復歸湯。湯夙興夜寐。以致聰明。輕賦薄斂。以寬民氓。布德施惠。以振困窮。弔死問疾。以養孤孀。百姓親附。政令流行。諸鄰國襁負歸之。時有神手牽白狼。口含金鈎。而入湯庭。湯東觀乎洛。降三分壁。黃魚雙躍出。黑鳥隨魚亦止于壇。化為黑玉。赤勒曰。玄精天乙受神福。伐桀克湯。居亳。與葛為鄰。葛伯放而不祀。湯使人問之曰。何為不祀。曰。無以供犧牲也。湯使遣之牛羊。葛伯食之。又不以祀。湯又使人問之曰。何為不祀。曰。無以供粢盛也。湯使亳衆往為之耕。老弱饋食。葛伯率其民。要其有酒肉者。奪之。衆畏君命。不敢校也。有一童子校曰。而不能耕。吾為汝耕。又奪吾食。不亦甚乎。葛伯殺之。湯為其殺是童子而征之。湯曰。予有言。人視水。見形。視民。知治否。伊尹曰。明哉。言能聽。道乃進。君國子民。為善者。皆在王官。勉哉。勉哉。桀殺直臣關龍逢。群臣

言經考
莫敢言。湯使人哭之。桀怒。囚湯于夏臺。已而釋之。湯出見羅者。方祝曰。從天下者。從地出者。四方來者。皆入吾網。湯曰。嘻。盡之矣。非桀其孰能此哉。乃命解其三面。而置其一面。更教之祝曰。欲左者左。欲右者右。欲高者高。欲下者下。吾取其犯命者。漢南諸侯聞之。咸曰。湯之德至矣。澤及禽獸。况於人乎。一時歸者。三十六國。桀虐政淫荒。諸侯昆吾氏爲亂。有神降於鑣宮。告湯曰。夏德大亂。往攻之。予必使汝大勦之。十八祀。伊尹從湯率諸侯興師。良車七十乘。必死六千人。湯自把鉞以伐昆吾。遂伐桀。費昌爲御。湯誓于衆曰。格爾衆庶。悉聽朕言。非台小子。敢行稱亂。有夏多罪。天命殛之。今爾有衆。汝曰我后。不恤我衆。舍我穡事。而割正夏。予惟聞汝衆言。夏氏有罪。而畏上帝。不敢不正。今汝其曰夏罪。其如台。夏王率遏衆力。率割夏邑。有衆率怠弗

協曰。時日曷喪。予及汝皆亡。夏德若茲。今朕必往。爾尚輔予一人。致天之罰。予其大賚汝。爾無不信。朕不食言。爾不從誓言。予則孥戮汝。罔有攸赦。於是湯曰。吾甚武。號曰武王。與桀戰于鳴條。桀敗於有城之墟。入三變。湯遂伐三變。俘厥寶玉。義伯仲伯作典寶。湯放桀于南巢。時三千諸侯大會湯。取天子之璽。置之於天子之坐。再拜從諸侯之位。湯曰。此天子之位。有道者可以處之。夫天下非一家之有也。有道者之有也。故天下者。惟有道者理之。惟有道者紀之。惟有道者宐久處之。湯以此三讓。三千諸侯莫敢即位。湯又求卞隨。務光。而讓之。二人皆逸。然後湯即天子之位。與諸侯誓曰。陰勝陽。卽謂之變。而天弗施。雌勝雄。卽謂之亂。而人弗行。都于亳。國號曰商。夏民大悅。農不
去疇。商不變肆。湯既放桀。有慙德。曰。予恐來世。以台爲口實。仲虺乃

言終考
作誥曰。嗚呼。惟天生民有欲無主。乃亂惟天生聰明時義有夏昏德。民墜塗炭。天乃錫王智勇。表正萬邦。纘禹舊服。茲率厥典。奉若天命。夏王有罪。矯誣上天。以布命于下。帝用不臧。武商受命。用喪厥師。簡賢附勢。寔繁有徒。肇我邦于有夏。若苗之有莠。若粟之有秕。小大戰戰。罔不懼于非辜。矧予之德。言足聽聞。惟王不邇聲色。不殖貨利。德懋懋官。功懋懋賞。用人惟已。改過不吝。克寬克仁。彰信兆民。乃葛伯仇餉。初征自葛。東征西夷怨。南征北狄怨。曰。奚獨後予。攸徂之民。室家相慶。曰。侯予后。後來其蘇。民之戴商。厥惟舊哉。佑賢輔德。顯忠遂良。兼弱攻昧。取亂侮亡。推亡固存。邦乃其昌。德日新。萬邦惟懷。志自滿。九族乃離。王懋昭大德。建中于民。以義制事。以禮制心。垂裕後昆。予聞曰。能自得師者王。謂人莫已若者亡。好問則裕。自用則小。嗚呼。

慎厥終。惟其始。殖有禮。覆昏暴。欽崇天道。永保天命。湯命諸侯於景亳。於是作誥。誕告萬方。王曰。嗟爾萬方。有衆明德。予一人誥。惟皇上帝降衷于下民。若有恆性。克綏厥猷。惟后夏王。滅聽作威。以敷虐于爾萬方百姓。爾萬方百姓。罹其凶害。弗忍荼毒。並告無辜于上下神祇。天道福善禍淫。降災于夏。以彰厥罪。肆台小子。將天命明威。不敢赦。敢用玄牡。敢昭告于上天神后。請罪有夏。聿求元聖。與之戮力。以與爾有衆。請命上天。孚佑下民。罪人黜伏。天命弗僭。貴若草木。兆民允殖。俾予一人。輯寧爾邦家。茲朕未知。獲戾于上下。慄慄危懼。若將墮于深淵。凡我造邦。無從匪彝。無卽愾淫。各守爾典。以承天休。爾有善。朕弗敢蔽。罪當朕躬。弗敢自赦。惟簡在上帝之心。其爾萬方有罪。在予一人。予一人有罪。無以爾萬方。嗚呼。尚克時忱。乃亦有終。湯自至。

言於東郊。告諸侯。群后曰。其尚有功於民。勤力乃事。否則。予乃大罰。殛汝母。予怨。又曰。古禹臯陶。久勞于外。有功乎民。乃有安東。爲江北。爲濟。西爲河南。南爲淮。四瀆已修。萬民乃有居。后稷降播。農殖百穀。三公咸有功于民。故後有立。昔蚩尤與其大夫作亂百姓。帝乃弗予。有狀。先生言不可不勉。時天先見。金升生於水。湯曰。金氣勝。故以水德王。其事則金色上白。牲用白牡。建大白。以白爲徽號。改正朔。以建丑月。爲正月。改歲曰祀。行甲寅曆。朝會以晝。湯欲遷夏社。不可作。夏社乃遷烈山氏子柱。以周棄代爲稷祠。其社用石。莖樹松。禘嘗而郊。冥朝。燕服。皐冠。而縞衣。十二寸爲尺。湯因山車之瑞。作爲大路。路金根之。色亦謂之桑根。車駕白馬。建九旒。郊祀用之。孔子曰。殷路車爲善。而色上白。初置二相。以伊尹仲虺爲之。以咎單爲司空。以仇生赤爲木。

正。又得慶輔。淠甲。且東門虛。南門蠕。西門疵。北門側。以爲大夫。伊尹仲虺之徒。大明憲典。定爵祿之制。公侯伯子男。凡五等。天子之縣內。百里之國。九。七十里之國。二十有一。五十里之國。六十有三。凡九十。三國。名山大澤。不以班餘。以爲閑田。凡九州。千七百七十三國。四方諸侯。五年一朝。建官先六。太曰。太宰。太宗。太史。太祝。太士。太卜。典司六典。五官曰。司徒。司馬。司空。司士。司寇。典司五衆。六府曰。司土。司木。司水。司草。司器。司貨。典司六職。六工曰。土工。金工。石工。木工。獸工。草工。典制六材。湯又立司過之士。湯問伊尹曰。諸侯來獻。或無馬牛之所生。而獻遠方之物。事實相反。不利。今吾欲因其地勢。所有獻之。必易得而不貴。其爲四方獻令。伊尹受命。於是爲四方令。曰。臣請正東。符婁仇州。伊慮漚深。九夷十蠻。越漚鬻髮。文身講令。以魚支之。鞞海。

言經考
鱗之鬣。鮫盾利劍爲獻。正南。甌鄧桂國。損子產里百濮。九菌請令。以珠璣玳瑁。象齒文犀。翠羽茵鶴。短狗爲獻。正西。崑崙狗國。鬼親枳已。鬪耳貫胸。雕題離丘。漆齒請令。以丹青白旄。紕罽江歷。龍角神龜爲獻。正北。空同大夏。莎車姑他。旦畧豹胡。戎翟匈奴。樓煩月氏。蟻犁其龍。東胡請令。以橐駝白玉。野馬駒駝。馱駃良弓爲獻。湯曰善。十九祀大旱。三十祀大旱。夏桀死于亭山。湯禁民歌舞。湯乃封夏之後。二十一祀大旱。伊尹言於湯。發莊山之金。鑄幣通有無于四方。以賑救之。伊尹又作爲區田之法。以教民。民是以不困。大旱七年。洛圻川竭。煎沙爛石。太史占之曰。當以人禱。湯曰。吾所爲請雨者。人也。若必以人禱。吾請自當。遂齋戒。剪髮斷爪。素車白馬。身嬰白茅。以身爲犧牲。禱於桑林之野。持三足鼎。祝山川曰。無以予一人之不敏。使上帝鬼神

傷民之命。以六事自責曰。政不節歟。民失職歟。宮室崇歟。婦謁盛歟。苞苴行歟。讒夫昌歟。何不雨之極也。言未已。大雨方數千里。歲則大熟。天下歡洽。遂命伊尹作桑林之樂。名曰大濩。歌晨露。修九招六列。以見其善。又改夏之制。始爲楹以植鼓。以立天之道。先陰後陽。立地之道。先柔後剛。作歸藏之易。以坤爲首。作諸器用之銘。以爲警戒。湯令未命之。爲士者。車不得朱軒。及有飛輪。不得乘飾。車駢馬交。文繡命然後得。以順有德。養國老於右學。養庶老於左學。初作囿。取禽獸。以奉宗廟。鮮嶠之具。簡士卒習射御。以戒不虞。海外肅慎。北發渠搜。氏羗來服。初竒肱民。能爲飛車。從風遠行。湯時西風。吹其車至於豫州。湯破其車。不以示民。及十年東風至。湯復作車。以遣之。時白雲入房。白鳩來至。銀自山溢。湯問伊尹曰。壽可爲耶。伊尹曰。王欲之則可。

為弗欲則不可為也。湯問於夏革曰：古初有物乎？夏革曰：古初無物。今惡得物？後之人將謂今之無物可乎？湯曰：然則物無先後乎？革曰：物之終始，初無極已。始或為終，終或為始。惡知其紀？然自物之外，自事之先，朕所不知也。湯曰：然則上下八方有極盡乎？革曰：不知也。湯固問革曰：無則無極，有則有盡。朕何以知之？然無極之外，復無無極；無盡之中，復無無盡。無極，復無無極；無盡，復無無盡。朕以是知其無極無盡也，而不知其有極有盡也。湯又問曰：四海之外，奚有？革曰：猶齊州也。湯曰：汝奚以實之？革曰：朕東行至營，人民猶是也。問營之東，復猶營也。西行至幽，人民猶是也。問幽之西，復猶幽也。朕以是知四海四荒四極之不一是也。故大小相含，無窮極也。含萬物者，亦如含天地含萬物也。天地也，故無極。朕亦焉知天地之表不有

大天地者乎？亦吾所不知也。然則天地亦物也。物有不足，故天領西北，日月星辰就焉。地不滿東南，故百川水潦歸焉。湯又問物有巨細乎？有修短乎？有同異乎？革曰：渤海之東，不知幾億萬里，有大壑焉。實維無底之谷，其下無底，名曰歸墟。八紘九野之水，大漢之流，莫不注之，而無增無減焉。其中有五山焉：一曰岱輿，二曰員嶠，三曰方壺，四曰瀛州，五曰蓬萊。其山高下，周旋三萬里，其頂平處九千里。山之間，相去七萬里，以為鄰居焉。其中臺觀皆金玉，禽獸皆純縞，珠玕之樹皆叢生，華實皆有滋味。所居之人，皆仙聖之種。一日一夕，飛相往來者不可數焉。而五山之根，無所連著，常隨潮波，上下往還，不得蹙峙焉。帝乃命禹疆使巨鼈十五，舉首而戴之，迭為三番，六萬歲一交焉。五山始峙，而龍伯之國有大人，舉足不盈數步，而暨五山之所。一

言終之
釣而連六鰲合負而趣歸其國。灼其骨以數焉。從中州以東四十萬里得僬僥國人。長一尺五寸。東北極有人名曰誦。人長九寸。荆之南有冥靈者。以五百歲爲春。五百歲爲秋。上古有大椿者。以八千歲爲春。八千歲爲秋。朽壤之上。有菌芝者。生於朝。死於晦。春夏之月。有蠓蚋者。因雨而生。見陽而死矣。窮北之北有溟海者。天池也。有魚焉。其廣數千里。其長稱焉。其名爲鯢。有鳥焉。其名爲鵬。翼若垂天之雲。其體稱焉。世豈知有此物哉。大禹行而見之。伯益知而名之。夷堅聞而志之。江浦之間。生麼虫。其名曰焦。螟群飛而集於蚊睫。弗相觸也。栖宿去來。蚊弗覺也。離朱方晝。拭背揚眉。而望之。弗見其形。鮪俞方夜。摘耳俛首。而聽之。弗聞其聲。吳楚之國。有大水焉。其名爲櫟。碧樹而冬生。實丹而味酸。食其皮汁。已憤厥之疾。齊州珍之。渡淮而北。而化

爲枳焉。鸚鵡不踰濟貉。踰汶則死矣。地氣然也。雖然。形氣異也。性均已無相易已。生皆全已。分皆足已。吾何以識其巨細。何以識其修短。何以識其同異哉。湯曰。學聖王之道者。譬其如日。靜居而獨思。譬其若火。夫人舍學聖王之道。而靜居獨思。譬其若去日之明於廷。而滅火之光於室也。然可以小見。而不可以大知。是故明君貴尚學道。而賤下獨思也。故君得賢而舉之。得賢而與之。譬其若登山乎。得不肖而舉之。得不肖而與之。譬其若下淵乎。故登山而望。其何不臨。而何不見。凌遲而入淵。其孰不陷溺。是以明君慎其舉。而君子慎其與。然後福可必歸。菑可必去矣。湯曰。藥食先嘗於卑。然後至於貴。藥言先獻於貴。然後聞於卑也。故藥食嘗乎卑。然後至於貴。教也。藥言獻於貴。然後聞於卑。道也。故使人味食。然後食者。其得味也多。使人味言。

言終者
然後聞者。其得言也。少是以明王之於言也。必自也聽之。必自也聞之。必自也擇之。必自也取之。必自也聚之。必自也藏之。必自也行之。故道以數。取之爲明。以數行之爲章。以數施之。萬姓爲臧。是故求道者。不以目而以心。取道者。不以手而以耳。致道者。以言。入道者。以忠。積道者。以信。樹道者。以人。故人主有欲治安之心。而無治安之政者。雖欲致顯榮也。弗得矣。故治安不可以虛成也。顯榮不可以虛得也。故明君敬土。察吏愛民。以參其極。非此者。則四美不附矣。湯娶有莘氏女爲正妃。生太子太丁。三十祀湯崩。子太丁未立先卒。伊尹乃立太丁之子太甲。葬湯於亳北之濟陰。孔子曰。成湯受天之命。不忍天下之民刈戮。乃放桀夏桀。遷妣姓于杞。合諸侯。作八政。命於總章。服禹功。以修舜緒。爲副于天。粒食之民。昭然明視。民明教通于四海。海

外來服。恭而以恕。是以日躋也。

玄鳥篇

簡狄

契母簡狄者。有娥氏之長女也。當堯之時。與其妹娣浴於玄丘之水。有玄鳥啣卵。過而墜之。五色甚好。簡狄與其妹娣競往取之。簡狄得而含之。誤而吞之。遂生契焉。簡狄性好人事之治。上知天文。樂於施惠。及契長而教之。理順之序。契之性聰明而仁。能育其教。卒致其名。堯使爲司徒。封之於亳。及堯崩。舜卽位。乃勅之曰。契。百姓不親。五品不遜。汝作司徒。而敬敷五教。在寬其後。世世居亳。至商湯興。爲天子。君子謂簡狄仁而有禮。詩云。有娥方將。帝立子生商。又曰。天命玄鳥。降而生商。此之謂也。

九有

傳云。九有九州也。○爾雅曰。兩河間曰冀州。河南曰豫州。河西曰維州。漢南曰荊州。江南曰揚州。濟河間曰兗州。濟東曰徐州。燕曰幽州。齊曰管州。鄆璞曰。此蓋殷制。易氏曰。爾雅九州之名。與舜典禹貢異。先儒以為殷制。由今考之。有舜之幽營徐。而無舜之青梁并。是青入於徐。梁入於雍。并入於冀也。既分禹貢冀州之境。而復舜之幽州。又併青於徐。而復舜之營州。殷之九州。粲然可考。至周人又分冀為并。併營於幽。復禹之青州。而省徐以入於青。○舜典。肇有十二州。禹治水後舜分冀為幽并分青為營始置十二州○禹貢。冀州。濟河惟兗州。海岱惟青州。海岱及淮惟徐州。淮海惟揚州。荆及衡陽惟荊州。荊州惟豫州。黑水惟梁州。黑水西河惟雍州。○左傳云。晉夏之方有德也。貢金九牧。○周禮職

方氏。東南曰揚州。正南曰荊州。河南曰豫州。正東曰青州。河東曰兗州。正西曰雍州。東北曰幽州。河內曰冀州。正北曰并州。○楊用修云。春秋命歷叙。人皇氏依山川土地之勢。度為九州。謂之九圍。圍古文省作有。

畿

傳云。畿疆也。○王制注。縣內夏時天子所居州界各也。殷周曰畿。○孔氏曰。殷周稱畿。唐虞稱服。周禮大司馬九畿。方千里曰國畿。職方氏九服。方千里曰王畿。○易氏曰。禹之五服。王畿在內。職方氏王畿不在九服之內。○漢志云。殷周因井田而制軍賦。十終為同。同方百里。同十為封。封十為畿。畿方千里。○禮書。春秋傳曰。天子一圻。周語曰。規方千里以爲甸服。王制曰。千里之內曰甸。則天子寮內五百里。

中為王城百里為郊。二百里為邦甸。三百里為邦。削四百里為邦縣。五百里為邦都。

四海

爾雅九戎八狄七戎六蠻謂之四海。孫炎曰海之言晦晦昧於禮儀也。○虞書曰州十有二師外薄四海咸建五長。

景

朱傳云景山名商所都也。春秋傳曰商湯有景亳之命。○括地志宋州北五十里大蒙城為景亳湯所盟地。因景山為名。○詩緝云自湯至盤庚五遷亳囂在河南相耿在河北。盤庚後傳三世至武丁又傳四世至庚丁之子武乙始去亳徙河北。此詩所言河正指亳也。

按宋之南京應天府今之開封德州也州城東南有亳城即景亳也。拱州今為睢州。

長發篇

有娥

呂氏春秋云有娥氏有二佚女為九成之臺。○淮南子云有娥在不周之北長女簡翟少女建疵。○史記云桀敗於有娥之墟正義云當在蒲州。○國名記云帝嚳次妃國桀敗有娥之墟蓋陝虢間。

帝

箋云黑帝春秋緯云太微宮有五帝座黑帝曰汁光紀。

玄王

契帝嚳之子也。母曰簡狄有娥氏之女為帝嚳次妃。見玄鳥墮其卵。簡狄取吞之。因孕生契。契賢。唐堯使之佐禹。治水有功。堯使契為司徒。教民人倫。命之曰勞之來之。匡之直之。輔之翼之。使自得之。又從

言終者
而振德之契主司徒百姓親和堯曰嗟朕無德欽奉丕圖賜示二三
子斯封契於商七十里賜姓子氏虞舜時申命契曰契百姓不親五
品不遜汝作司徒敬敷五教在寬契興於唐虞大禹之際功業著於
百姓百姓以平契卒子昭明立昭明卒子相土立相土數傳至成湯
代夏王天下詩人美而頌之曰玄王桓撥受小國是達受大國是達
率履不越遂視既發玄王蓋謂契也孔子曰昔者堯命契為子氏為
有湯也

相土

相土契之孫昭明之子也奚仲為夏車正相土佐之異物以時五材
皆良乃剡枸車建綏旆相土始乘肇用六馬於是登降有數初陶唐
氏之火正閼伯居商丘祀大火相土承契之業始代閼伯之後居商

虛祀大火入為王官之伯出長諸侯而甚威武四方諸侯歸之相土
有勤于民以食於味其後商人因之故詩人歌之曰相土烈烈海外
有截相士卒子昌若立傳十世至商湯代夏有天下

九圍

疏云分天下為九處規圓然故謂九圍

球

箋云小玉尺二寸圭也大玉謂璫也○釋地云西北之美者有崑崙
虛之璆琳琅玕焉璆琳美玉○周禮大宗伯云王執鎮圭鎮安也所以安
之山為典瑞云王晉大圭執鎮圭鎮安也所以安繅籍五采五就以朝日又云珍當
圭以徵守以恤凶荒玉人云鎮圭尺有二寸天子守之天子圭中
必以組約其中央為執之○考工記云大圭長三尺杆上終葵首天

子服之。

王所搢大圭也。或謂之珽。終葵。推也。為推於其杵上。明無所屈。杼。杼也。

○玉藻云。天子搢珽方

正於天下也。諸侯荼。

茶音舒。

前詘後直。讓於天子也。大夫前詘後詘。無

所不讓也。又云。笏。天子以球玉。諸侯以象。大夫以魚。須文竹。士竹。本

象可也。笏度二尺有六寸。其中博三寸。其殺六分而去一。禮器云。大

圭不琢。○左傳云。充冕黻珽。昭其度也。○禮書云。天子朝日。執鎮圭。

搢大圭。則所執者摯也。所搢者笏也。諸侯之朝。大夫之聘。蓋亦如此。

諸侯執命圭者必搢荼。大夫執聘圭者必搢笏。及合瑞而授圭。則執

其所搢而已。此所謂見於天子無脫笏也。已上釋大球

旒

箋云。旒。旗之垂者。○巾車云。玉路。建大常十有二旒。大行人云。上公

建常九旒。侯伯建常七旒。子男建常五旒。考工記云。龍旂九旒。以象

大火也。鳥旟七旒。以象鶉火也。熊旂六旒。以象伐也。龜蛇四旒。以象

營室也。○樂記云。龍旂九旒。天子之旌。所以贈諸侯。明堂位云。魯君

孟春。乘大路。旂十有二旒。日月之章。祀帝于郊。

共

朱傳。或曰。小國。大國。所共之貢。○禹貢序云。禹別九州。隨山濬川。任

土作貢。兗州貢漆絲。厥篚織文。青州貢鹽絺。海物惟錯。岱畤絲枲。鈇

松。惟石。厥篚屨絲。徐州貢土五色。羽畎夏翟。嶧陽孤桐。泗濱浮磬。厥

篚玄纁。縞揚州貢金三品。璆琕篠簜。齒革羽毛。惟木。厥篚織貝。厥包

橘柚。錫貢。荊州貢羽毛齒革。惟金三品。柃幹。枯柏。礪砥。磬。丹。惟箇。篚

櫛。包匭。菁茅。厥篚玄纁。璣組。九江納錫。大龜。豫州貢漆。枲。絺。紵。厥篚

織。縞。錫。貢。磬。錯。梁州貢。璆。鐵。銀。鏤。砮。磬。熊。羆。狐。狸。織。皮。雍州貢。珠。琳。

十里。昆吾臺在縣西百步。周圍五十步。高二丈。即昆吾虛也。○左傳昭十八年二月乙卯。周毛得殺毛伯過。長弘曰。是昆吾稔之日也。○寰宇記。解州安邑縣有昆吾亭。蓋湯伐桀之時。昆吾以兵助桀。同時而滅。故有亭。非國于此。

按昆吾已姓。夏時諸侯也。初帝顓頊之裔。係有陸終娶于鬼方氏之妹。謂之女隤氏。產六子。其一曰樊。封于昆吾。其後夏衰。昆吾為夏伯。遷于舊許。夏桀時。昆吾為虐。桀二十八年。昆吾伐商。三十年。商師征昆吾。二十一年。商滅昆吾。詩曰。常顧既伐。昆吾夏桀。孔子曰。昆吾自滿而無極。亢意而不節。斬刈黎民。如草芥焉。天下討之。如誅匹夫。是以千載之惡。迄今而不滅。

桀

桀名履癸。帝癸之子。孔甲之曾孫也。時自孔甲以來。諸侯多叛。桀能制船。伸鈞。索鐵。歛金。椎移大犧。水殺黿鼉。陸捕熊羆。負恃其力。尤為無道。暴戾貪虐。滅德作威。敷虐於萬方。百姓有趙梁者。教為無道。勸

以貪狼。天下患之。三十三歲。伐蒙山。有施氏。進女妹喜。桀嬖之所言。皆從。為之殫百姓之財。為瓊室象廊。瑤臺玉牀。日與妹喜行淫縱。樂政事怠廢。為肉山脯林。酒池可以運舟。糟堤可以望十里。一鼓而牛飲者三千人。以為戲劇。三十五歲。商湯即諸侯位。三十七歲。湯薦伊尹于桀。四十歲。伊尹醜夏。復歸于亳。桀窮其宗族。恥其勳舊。輕其賢良。棄義聽讒。鄉士干辛。凌轢諸侯。左師曹觸龍諗嫉才智。諸侯危其位。大夫隱其道。舉事戾于天。癸令逆于時。瞿山地裂。及泉。癸徒鑿之。通于河。諫者曰。洩天氣。發地藏。天子失道。後必有敗。殺之者老。或諫。又殺之。關龍逢進諫曰。人君謙恭敬信。節用愛人。故天下安。而社稷宗廟固。今君用財。君無窮。殺人若不勝。民惟恐君之後亡矣。人心已去。天命不佑。蓋少俊平。桀曰。吾之有天下。猶天之有日也。日

亡吾乃亡矣。遂囚逢而殺之。有金版出於庭中。地曰。族王禽。湯聞之。嘆息。使人哭之。桀怒。囚湯於夏臺。已而釋之。桀大會諸侯于有仍氏。有緡氏見桀汰侈。引師先歸。桀帥諸侯攻克之。愈自矜肆。諸侯帝氏。顧氏。昆吾氏。黨桀之惡。恣行亂政。國人大崩。五十一歲。桀鑿池爲夜宮。男女雜處。三旬不朝。太史終古執其圖法。泣諫不聽。遂出奔商。桀常夢黑風破其宮。時天雨血。地吐霧。枉矢流。火神見。衆星殞。夏霜春冰。伊洛竭。泰山崩。植在槁而罅裂。容臺搖而掩覆。大群嗥而入淵。豕啣蓐而席溲。夷羊在牧。飛蛤蒲野。兩日並照。在東者將起。在西者將滅。費昌問馮夷曰。何者爲殷。馮夷曰。西夏也。東殷也。於是費昌徙族歸殷。湯修德。諸侯畏服。桀起九夷之師。不至。伊尹佐湯。帥師以伐桀。桀謂人曰。吾悔不遂殺湯於夏臺。使至此。及戰不勝。走鳴

條。入於三鬲之國。湯又從而伐之。放於南巢。三歲死于亭山。湯乃踐天子之位。封夏之後。以奉禹祀。至周封於杞也。孔子曰。夏桀貴爲天子。富有四海。忘其聖祖之道。壞其典法。廢其世祀。荒于淫樂。耽湎于酒。作高臺汗池。以民爲虐。佞臣諂諛。窺導其心。忠士折口。逃罪不言。天下誅桀。而有其國。此謂忘其身之甚矣。

夏

吳起曰。夏桀之居。左河濟。右秦華。伊闕在南。羊腸在北。○寰宇記。屬自安邑都晉陽。桀徙安邑。○書序孔氏注。桀都安邑。湯升道從陶。陶在河曲之南。戰于鳴條之野。地在安邑西。○一統志。山西平陽府解州安邑縣。禹營安邑。卽此地。鳴條岡在縣北二十里。境接夏縣。

阿衡

言經考
商公
箋云。阿依。衡平也。伊尹湯所依倚而取平。故以爲官名。○書君奭曰。在昔成湯有若伊尹格于皇天。在太甲時。則有若保衡格于上帝。

殷武篇

伊尹

伊尹名摯。力牧之後。生於空桑。後居伊水。故氏曰伊。蓋處土也。伊尹耕於有莘之野。而樂堯舜之道。又常賃爲楮衣者。春於深巖。以自給。夢乘雲繞日而行。筮得利建侯之卦。湯將往見伊尹。令彭氏之子御。彭氏之子半道而問曰。君將何之。湯曰。將往見伊尹。彭氏之子曰。伊尹天下之賤人也。君若欲見之。亦令召問焉。彼受賜矣。湯曰。非汝所知也。今有藥於此。食之則耳加聰。目加明。則吾必悅而強食之。今夫伊尹之於我國也。譬之良醫善藥也。而子不欲我見伊尹。是子不欲

我善也。因下彭氏之子不使御。湯使人以幣聘之。尹囁囁然曰。我何以湯之幣聘爲哉。我豈若處畎畝之中。由是以樂堯舜之道哉。湯三使往聘之。旣而幡然改曰。與我處畎畝之中。由是以樂堯舜之道。吾豈若使是君爲堯舜之君哉。吾豈若使是民爲堯舜之民哉。吾豈若於吾身親見之哉。天之生此民也。使先知覺後知。使先覺覺後覺也。予天民之先覺者也。予將以斯道覺斯民也。非予覺之而誰也。湯得伊尹。祓之於廟。爇以燿火。蒙以犧假。明日設朝而見之。尹言素王。及九主之事。尹說湯以至味。湯曰。可對而爲乎。對曰。君之國小。不足以具之。爲天子。然後可具。夫三群之臣。水居者腥。肉饅者臊。草食者羶。臭惡猶美。皆有所以。凡味之本。水最爲始。五味三材。九沸九變。火之爲紀。時疾時徐。滅腥去臊。除羶。必以其勝。無失其理。調和之事。必以

耳酸苦辛鹹。先後多少。其齊甚微。皆有自起。此中之變。精妙微纖。口弗能言。志弗能喻。若射御之微。陰陽之化。四時之數。故久而不散。熟而不爛。甘而不壞。酸而不酷。鹹而不減。辛而不烈。澹而不薄。肥而不臃。肉之美者。猩猩之唇。獾獾之炙。雉鱗之翠。述蕩之擊。旄象之約。流沙之西。丹山之南。有鳳之丸。沃民所食。魚之美者。洞庭之鱖。東海之鮪。醴水之魚。各曰朱鼈。六足有珠。百碧。霍水之魚。各曰鱒。其狀若鯉。而有翼。常從西海夜飛。游於東海。菜之美者。崑崙之蘋。壽木之華。指姑之東。中容之國。有赤木。玄木之葉焉。餘留之南。南極之崖。有菜其各曰嘉樹。其色若碧。陽華之芸。雲夢之芹。具區之菁。浸淵之草。各曰土英。和之美者。陽樸之薑。招搖之桂。越路之菌。鱣鮪之醢。大夏之菹。宰揭之露。其色如玉。長澤之卵。飯之美者。玄山之禾。不周之粟。陽山

之稌。南海之秬。水之美者。三危之露。崑崙之。丘各曰搖水。曰山之水。高泉之山。其上有湧泉焉。冀州之原。果之美者。沙棠之實。常山之北。投淵之上。有百果焉。群帝所食。箕山之東。青島之所。有甘櫨焉。江浦之橘。雲夢之柚。漢上石耳。所以致之。馬之美者。青龍之匹。遺風之乘。非先爲天子。不可得而具。天子不可強爲。必先知知道。道者止彼在已。已成而天子成。天子成則至味具。故審近所以知遠也。成已所以成人也。聖王之道。要矣。豈越越多業哉。湯任尹以國政。湯問之曰。祭惡甚。吾將伐之也。如之可。對曰。可也。而非可恃也。予其爲子。往規之。湯遂進尹于桀。尹告桀以君民之相須者。而桀弗惠。乃大淫。昏妹喜。告尹曰。今昔天子。夢西方有日。東方有日。兩日相與鬪。西方日勝。東方日不勝。尹聞夏人飲酒。醉者持不醉者。不醉者持醉者。相

和而歌曰。盍歸乎亳。盍歸乎亳。夫亳亦大矣。尹退而閑居。深聽樂聲。更曰。覺兮較兮。吾大命格兮。去不善而就善。何不樂兮。江水沛兮。舟楫敗兮。我王廢兮。趣歸於亳。亳亦大兮。樂兮樂兮。四牡驕兮。六轡沃兮。去不善而從善。何不樂兮。尹入告于桀曰。大命之亡有日矣。桀啞然而笑曰。吾之有天下。猶天之有日也。日亡吾亦亡矣。尹遂去。夏復歸于亳。入自北門。遇女鳩女房。遂作女鳩女房二篇。尹報于湯曰。桀迷惑於妹喜。好彼琬琰。不恤其衆。衆志不堪。上下相疾。民心積怨。皆曰。上天弗恤。夏命其卒。湯謂尹曰。若告我曠。曠盡如詩。當是時。諸侯昆吾氏助桀爲虐。尹乃從湯以伐昆吾。湯問於伊尹曰。欲取天下若何。對曰。欲取天下。天下不可取。可取身將先取。湯欲伐桀。伊尹曰。請阻乏貢職。以觀其動。桀怒起九夷之師以伐之。伊尹曰。未可。彼尚猶

能起九夷之師。是罪在我也。湯乃謝罪請服。復入貢職。明年又不供貢職。桀怒起九夷之師。九夷之師不起。伊尹曰。可矣。湯乃興師伐而殘之。遷桀南巢氏焉。湯乃踐天子位。尹爲阿衡以左右之。湯問伊尹曰。古者所以立三公九卿大夫列士者何也。伊尹對曰。三公者。所以參五事也。九卿者。所以參三公也。大夫者。所以參九卿也。列士者。所以參大夫也。故參而有參。是謂事宗。事宗不失。內外若一。湯問伊尹曰。三公九卿大夫列士。其相去何如。伊尹對曰。三公者。知通於大道。應變而不窮。辨於萬物之情。通於天道者也。其言足以調陰陽。正四時。節風雨。如是者。舉以爲三公。故三公之事。常在於道也。九卿者。不失四時。通於溝渠。修堤防。樹五谷。通於地理者也。能通不能通。能利不能利。如此者。舉以爲九卿。故九卿之事。常在於德也。大夫者。出入

與民同衆。取去與民同利。通於人事。行猶舉繩。不傷於言。言之於世。不害於身。通於閔梁。實於府庫。如是者。舉以爲大夫。故大夫之事。常在於仁也。烈士者。知義而不失其心。事功而不獨專其賞。忠政強諫。而無有姦詐。去私立公而言有法度。如是者。舉以爲烈士。故烈士之事。常在於義也。故道德仁義定。而天下正。凡此四者。明王臣而不臣。湯曰。何謂臣而不臣。伊尹對曰。君之所不名。臣者四。諸父臣而不名。諸兄臣而不名。先王之臣。臣而不名。盛德之士。臣而不名。是謂大順也。湯問伊尹曰。三公九卿二十七。大夫八十一。元士知之有道乎。伊尹對曰。昔者堯見人而知舜。任人然後知禹。以成功舉之。夫三君之舉賢。皆異道而成功。然尚有失者。况無法度。而任已。直意用人。必大失矣。故君使臣。自貢其能。則萬一之不失矣。王者何以選賢。夫王者

得賢才以自輔。然後治也。雖有堯舜之明。而股肱不備。則主恩不流。化澤不行。故明君在上。慎於擇士。務於求賢。設四佐以自輔。有英俊以治官。尊其爵。重其祿。賢者進以顯榮。罷者退而勞力。是以主無遺憂。下無邪慝。百官能治。臣下樂職。恩流群生。潤澤草木。昔者虞舜左禹。右皋陶。不下堂。而天下治。此使能之効也。時大旱。尹言于湯。發莊山之金。鑄幣。通有無于四方。以賑救之民。是以不困湯崩。太子太丁未立而卒。尹乃立太丁之子太甲。尹乃明言烈祖之成德。以訓于王。曰。嗚呼。古有夏先后。方懋厥德。罔有天災。山川鬼神亦莫不寧。暨鳥獸魚鼈咸若。于其子孫弗率。皇天降災。假手于我。有命造攻。自鳴條。朕哉自亳。惟我商王。布昭聖武。代虐以寬。兆民允懷。今王嗣厥德。罔不在初。立愛惟親。立敬惟長。始于邦家。終于四海。嗚呼。先王肇修人

紀從諫弗咈。先民時若。居上克明。爲下克忠。與人不求備。檢身若不及。以至于有萬邦。茲惟艱哉。敷求哲人。俾輔于爾。後嗣制官刑。儆于有位。曰。敢有恒舞于宮。酣歌于室。時謂巫風。敢有殉于貨色。恒于遊畋。時謂淫風。敢有侮聖言。逆忠直。遠耆德。比頑童。時謂亂風。惟茲三風十愆。卿士有一于身。家必喪。邦君有一于身。國必亡。臣下不匡。其刑墨具。訓于蒙士。嗚呼。嗣王祗厥身。念哉。聖謨洋洋。嘉言孔彰。惟上帝不常。作善降之百祥。作不善降之百殃。爾惟德罔小。萬邦惟慶。爾惟不德。罔大墜厥宗。太甲不惠于阿衡。伊尹作書曰。先王顧諟天之明命。以承上下神祇。社稷宗廟。罔不祗肅。天監厥德。用集大命。撫綏萬方。惟尹躬克左右厥辟。宅師肆嗣。王不承基緒。惟尹躬先見于西邑。憂自周有終。相亦惟終。其後嗣王罔克。有終相亦罔終。嗣王戒哉。

祗爾厥辟。辟不辟。忝厥祖。王惟庸罔念。聞伊尹乃言曰。先王昧爽。丕顯。坐以待旦。旁求俊彥。啓迪後人。無越厥命。以自覆。慎乃儉德。惟懷永圖。若虞機張。往省括于度。則釋欽厥止。率乃祖攸行。惟朕以澤萬世有辭。王未克變。伊尹曰。茲乃不義。習與性成。予弗狎。于弗順。營于桐宮。密爾先王其訓。無俾世迷。王徂桐宮。居憂克終。允德。旣而伊尹以冕服奉太甲歸于亳。作書曰。民非后罔克。胥匡以生。后非民罔以辟四方。皇天建祐有商。俾嗣王克終厥德。實萬世無疆之休。王拜手稽首曰。予小子不明于德。自底不類。欲敗度。縱敗禮。以速戾于厥躬。天作孽。猶可違。自作孽。不可追。旣往背師保之訓。弗克于厥初。尚賴匡救之德。圖惟厥終。伊尹拜手稽首曰。修厥身。允德。協于下。惟明后先王子惠困窮。民服厥命。罔有不悅。並其有邦厥鄰。乃曰。徯我后后

來無罰。王懋乃德。視乃烈祖。無時豫怠。奉先思孝。接下思恭。視遠惟明。聰德惟聰。朕承王之休。無斁。伊尹申誥于王曰。嗚呼。惟天無親。克敬惟親。民用常懷。懷于有仁。鬼神無常。享享于克誠。天位艱哉。德惟洽否。德亂與治。同道罔不興。與亂同事罔不亡。終始慎厥與。惟明明后。先王惟時。懋敬厥德。克配上帝。今王嗣有令緒。尚監茲哉。若升高必自下。若陟遐必自邇。無輕民事。惟難。無安厥位。惟危。慎終于始。有言逆于汝心。必求諸道。有言遜于汝志。必求諸非道。嗚呼。弗慮胡獲。弗爲胡成。一人元良。萬邦以貞。君罔以辨言亂舊政。臣罔以寵利居成功。邦其永孚于休。伊尹既復政于王。將告歸。乃陳戒于德曰。嗚呼。天難謀命。靡常。常厥德。保厥位。厥德靡常。九有以亡。夏王弗克庸德。慢神虐民。皇天弗保。監于萬方。啓迪有命。眷求一德。俾作神主。惟尹

躬暨湯。咸有一德。克享天心。受天明命。以有九有之師。爰革夏正。非天私我有商。惟天佑于一德。非商求于下民。惟民歸于一德。德惟一。動罔不吉。德二三。動罔不凶。惟吉凶不僭在人。惟天降災祥在德。今嗣王新服厥命。惟新厥德。終始惟一。時乃日新。任官惟賢才。左右惟其人。臣爲上爲德。爲下爲民。其難其慎。惟和惟一。德無常師。主善爲師。善無常主。協于克一。俾萬姓咸曰。大哉王言。又曰。一哉王心。克綏先王之祿。永底丞民之生。嗚呼。七世之廟。可以觀德。萬夫之長。可以觀政。后非民罔使。民非后罔事。無自廣以狹人。匹夫匹婦。不獲自盡。民主罔與成厥功。沃丁八祀。伊尹卒。年百有餘歲。大霧三日。沃丁葬之以天子之禮。祀以太牢。親臨喪。以報大德。葬于亳。去湯冢七里。商人世享。湯以伊尹配之。詩人歌之曰。允也天子。降于卿士。實維阿衡。

左右商王。

楚

春秋正義。荆楚一木二名。故以爲國號。亦得二名。莊公之世。荆皆書荆。僖之元年。乃書楚人伐鄭。蓋始改爲楚。○疏云。周始封熊繹爲楚子。武丁之世。不知楚君爲何人。○左傳。楚國方城以爲城。漢水以爲池。○一統志。方城山在河南南陽府裕州東北。

中宗

太戊。湯之玄孫。帝太庚之子。帝雍己之弟也。太戊甲申元祀伊陟爲相。毫有祥。桑穀共生于朝。七日大拱。占之者曰。桑穀野木。而不合生朝。意者國亡乎。太戊問於伊陟。伊陟曰。妖不勝德。君之政其有闕歟。太戊於是恐駭。側身修行。思先王之政。明養老之禮。早朝晏退。問疾

弔喪。三日而祥。桑枯死。三年之後。遠方慕義。重譯而至者。七十六國。孔子曰。太戊以已逆天時。詭禍爲福者也。故天災地妖。所以儆人主者也。災妖不勝善政。能知此者。至治之極也。唯明主達此。太戊嚴恭寅畏。天命自度。治民祇懼。不敢荒寧。有賢臣巫咸。臣扈等。共輔佐之。大修成湯之政。商道復興。諸侯歸之。伊陟贊言于巫咸。巫咸治王家有成。作咸。又作太戊。太戊贊伊陟于廟。言弗臣。伊陟讓作原命。仲衍鳥身人言。太戊聞而卜之。使御吉。遂致使御而妻之。太戊七十五祀崩。號爲中宗。子仲丁立。

高宗

高宗。名武丁。小乙之子也。高宗自爲太子時。能知人民所好惡。修養其德。達于神明。及即位元祀。宅憂其盤。爲相。三祀旣免喪。高宗亦弗

言。群臣咸諫于高宗曰。嗚呼知之曰明。哲明哲實作則。天子惟君。萬
邦百官承式。王言惟作命。不言臣下罔攸稟。令高宗庸作書以誥曰。
以台正于四方。台恐德弗類。茲故弗言。恭默思道。慶帝發予良弼。其
代予言。乃審厥象。俾以形旁求于天下。傳說築于傳巖之野。惟肖見
于高宗。高宗曰。是也。與之語果聖人。爰立作相。高宗置諸其左右。命
之曰。朝夕納誨。以輔台德。若金用汝作礪。若濟巨川。用汝作舟楫。若
歲太旱。用汝作霖雨。啓乃心沃朕心。若藥弗眩。厥疾弗瘳。若跣弗
視地。厥足用傷。惟暨乃僚。罔不同心。以匡乃辟。俾率先王。迪我高后。
以康兆民。嗚呼。欽予時命。其惟有終。說復于高宗曰。惟木從繩則正。
后從諫則聖。后克聖。臣不命。其承疇敢不祗。若王之休命。傳說受命
總百官。乃進于高宗曰。嗚呼。明王奉若天道。建邦設都。樹后王君公。

承以大夫師長。不惟逸豫。惟以亂民。惟夫聰明。惟聖時憲。惟臣欽若。
惟民從乂。惟口起羞。惟甲冑起戎。惟衣裳在箚。惟于戈省厥躬。王惟
戒茲。允茲克明。乃罔不休。惟治亂在庶官。官不及私昵。惟其能爵。罔
及惡德。惟其賢慮善以動。動惟厥時有其善。喪厥善矜其能。喪厥功
惟事事乃其有倫。有倫無患。無啓寵納侮。無耻過作非。惟厥攸居。政
事惟醇。黷于祭祀時謂弗欽。禮煩則亂。事神則難。高宗曰。旨哉說乃
言。惟服。乃不良于言。予罔聞于行。說拜稽首曰。非知之艱。行之惟艱。
王忱不艱。允協于先王。成德惟說。不言有厥咎。高宗曰。汝來說台小
子舊學于甘盤。既乃遯于荒野。入宅于河。自河徂亳。既厥終罔顯。爾
惟訓于朕志。若作酒醴。爾惟麴蘖。若作和羹。爾惟盞梅。爾交修予罔
予棄。予惟克邁乃訓。說曰。王人求多聞。時惟建事。學于古訓。乃有獲。

事不師古以克永世。匪說攸聞。惟學遜志。務時敏。厥修乃來。允懷于茲。道積于厥躬。惟敦學。半念終始。典于學。厥德修。罔覺。監于先王。成憲其永。無愆。惟說。式克欽承。旁招俊乂。列于厥位。高宗曰。嗚呼。說四海之內。咸仰朕德。時乃風。朕股股惟人。良臣惟聖。昔先王保衡。作我先王。乃曰。予弗克俾厥后。惟堯舜其心。愧耻若撻于市。一夫不獲。則曰。時予之辜。佑我烈祖。格于皇天。爾尚明保。予罔俾阿衡。專美有商。惟后非賢不乂。惟賢非后不食。其爾克紹乃辟于先王。永綏民說。拜稽首曰。敢對揚天子之休命。高宗於是開先祖之府。収其明法。以爲君臣上下之管。殷民更職。近者悅。遠者至。高宗鑄一劍。各曰。照膽。高宗祭成湯。明日有飛雉登鼎耳而雊。高宗懼。祖己曰。王勿憂。先修政事。祖己乃訓于高宗曰。惟天監下民。典厥義。降年有永。有不永。非天夭

民。民中絕命。民有不若。德不聽罪。天既孚命。正厥德。乃曰。其知台。嗚呼。王司敬民。罔非天胤。典祀無豐于昵。高宗內反。諸已以思。三道。三祀蠻夷。編髮重譯來朝者六國。自是章服多用雉羽。孔子曰。吾於高宗。彤日見德。有報之疾也。苟由其道。致其仁。則遠方歸志。而致其敬焉。三十二祀。鬼方無道。王師伐之。次于荆。三十四祀。王師克鬼方。氏羌來賓。高宗不敢荒寧。嘉靖殷邦。興滅國。繼絕世。舉逸民。明養老。天下咸歡。殷道復興。五十九祀。高宗崩。子武丁踐位。殷人嘉高宗之德。作殷武樂章以頌之。

氏羌

地理志云。隴西郡有氏道。羌道。○郡縣志。夏桀之亂。犬夷入居岐邠之間。成湯伐而攘之。武王伐商。羌鬻會于牧野。○括地志云。隴右岷

泚叢等州。西羌也。○孔氏曰。氏羌之種。漢世仍存。在秦隴之西。○黃氏云。羌本姜姓。三苗之後。居三危。今疊巖松。諸州皆羌地。○山海經。伯夷父生西岳。西岳生先龍。先龍是始生氏羌。氏羌乞姓。

享

周書。伊尹為四方令。曰。臣請正東符髮。仇州。伊慮。漚深。九夷。十蠻。越。漚。鬻。文身。請令以魚支之鞞。缺音之醬。鮫。斂。利。劍。為。獻。正南。甌。鄧。桂。國。損。子。產。里。百。濮。九。菌。請。令。以。珠。璣。瑋。瑁。象。齒。文。犀。翠。羽。菌。鶴。短。狗。為。獻。正西。崑崙。狗。國。鬼。親。枳。已。關。耳。貫。胸。雕。題。離。丘。漆。齒。請。令。以。丹。青。白。旄。紕。罽。江。歷。龍。糸。神。龜。為。獻。正北。空。同。大。夏。莎。車。姑。他。日。畧。貌。胡。戎。翟。匈。奴。樓。煩。月。氏。織。犁。其。龍。東。胡。請。令。以。橐。駝。白。玉。野。馬。騎。餘。馱。馱。馱音良。弓。為。獻。湯。曰。善。


王

箋云。世見曰王。○大行人云。九州之外。謂之蕃國。世壹見。各以其所貴寶為摯。九州之外。夷服。蠻服。蕃服也。無朝貢之歲。父死子立。及嗣王即位。乃一來。各以貴寶為摯。若夫戎獻白狐。白鹿。是也。○明堂位云。四塞世告至。○周語云。荒服者王。終王。朝嗣王。及即位而來見。

虔

箋云。樞。樞音謂之虔。○爾雅。樞謂之樛。孫炎曰。樞。斲材質也。○史記。曰。臣胸不足當樞質。樞者莖也。砧也。○韻會注云。樞。斲木櫛。櫛音也。一曰木跌。

Faint, illegible text on the left page, possibly bleed-through from the reverse side.



Faint, illegible text on the right page, possibly bleed-through from the reverse side. The page features vertical lines forming a columnar layout.

言終

所

四

